

## Yuwarwar Yesu Kristu beleş mata banare niñ Yon ikala iryiñ

<sup>1</sup> Be, asañ kañ hime gabe kame mata forok yenayiñ goyen Yesu Kristu beleş nikala nirkeb gago kañ hime. Al Kurun beleş mata heñ ga moñ forok yiniñ tahañ goyen meten marmin yikala yiri yeñ Yesu momoñ iryiñ. Irkeb Yesu Kristu beleş meten marmin kurab ne Yon gayen momoñ irayiñ yeñ miyoñmin hulyañ irke wañ momoñ niryiñ.

<sup>2</sup> Nebe Al Kurunyen mereya Yesu Kristu beleş tagalde hinhin mereya kurun goyen delner yenen hinhem geb, goke al momoñ yirde himyen.

<sup>3</sup> Niñgeb al kura mata kame forok yetek goke yitiñ gayen kapyañ hinayiñ mar gobe Al Kurun beleş guram yirde tareñ yiryen. Irde mata kame forok yetek goke yitiñ gayen kapyañ heke nurde gama irde hinayiñ marbe Al Kurun beleş guram yirde sañiñ yiryen. Gobe mata goke katiñ gwahade po heñ ga ma forok yiniñ tahañ geb, gago dinenñ hime.

*Yon beleş taun 7 bana Yesuyen alya bereya hañ goyen goke asañ kayyiñ*

<sup>4</sup> Be, ne Yon beleş deñ Yesuyen alya bereya Esia\* naña bana niñ taun 7 bana hañ mar goyen goke asañ gago kañ hime.

---

\* **1:4:** Esia naña gobe gayenter niñ Esia naña kurun goke ma yitiñ. Gayenterbe Turki inen hanyen.

Be, bikkenɗi hinhin, haɗka hi, irde kame wayyen  
al Al Kurunɗi beɗenɗi buninɗi dirde bitinɗi  
yisikamke iginɗi hiwonɗi yenɗi gusunɗi irde  
hime.

Irde Holi Spirit mata wukkenɗi wor po 7 minɗan†  
gore wor gwahade po dirwonɗi yenɗi nurde  
hime.

5 Irde Yesu Kristu wor buninɗi dirde bitinɗi  
yisikamke iginɗi hiwonɗi yenɗi nurde hime.

Yesu Kristube Al Kurunɗi mere binɗe mat  
fudinde wor po tagalde hinhin.

Yenɗe kamtinɗe mat huward huward mata goyen  
yenɗi wa minɗi uryinɗi.

Yenɗe megen ninɗi doyanɗi mar karkuwanɗi gote  
doyanɗi al.

Yenɗi beɗenɗe neɗi gayen bubulkuɗne wor po yenɗi  
nurd dunenɗe darim wok irde kamɗinɗe  
mat mata bulunɗi bana mat dad sinɗa dirɗinɗi.

6 Irde Naniɗi Al Kurunɗi yufukde derde yenɗi  
dolonɗi ird ird mata doyanɗi mar dirɗinɗi.

Ninɗeɗe deɗe tunɗunɗi yanya tareɗyabe huginɗi  
huginɗi Yesu hitte po hiyenɗi. Fudinde wor  
po.

7 Ga nurnanɗi, yenɗe kigarinɗinɗi faykek hende  
katenɗi hikeɗi  
al tumɗanɗi kennayinɗi.

Hakde fakamaminɗi marya megen ninɗi alya bereya  
tumɗanɗi daninɗi gwaha irtirinɗi yenɗi esenɗi  
obam tinayinɗi.

Gabe fudinde forok yiyyenɗi! Fudinde wor po.

---

† 1:4: Namba 7 gote minɗe Al Kurunɗi asanɗeɗe bulunɗi kuram  
monɗi, wukkeɗi wor po goke yitinɗi.

<sup>8</sup> Be, Al Kurun̄ tareñmin̄ kurun̄ wor po, Doyan̄ Al Kurun̄ belej, “Nebe Alfaya Omegaya,<sup>‡</sup> det kurun̄ gayen min̄ urmirin̄ al, irde det kurun̄ gayen pasi ird ird al,” yeñ hi. Yeñbe bikkeñ hinhin, gayenter hi, irde kame wañ wañ albe yeñ gogo po.

*Yon belej Yesu Kristu kinyin̄*

<sup>9</sup> Be, ne Yonbe denya tumñan̄ Yesuya heñbe dadatin̄ yara himirin̄ hime. Irde yeñ ge teñ kanduk tumñande yeneñ hite. Neya denyabe Al Kurun̄ belej alya bereyamin̄ doyan̄ yird yird bana goñ tumñan̄ hite. Irde yeñ ge teñ kanduk bana hite gega, goke mukku ma teñ goya goya san̄in̄ heñ heñ ge piñeñ ma heñ hite. Be, ne belej Al Kurun̄yen mereya Yesu belej tagalde hinhin mereya kurun̄ goyen tagalde himeke al belej goke igin̄ ma nurdeb nade Patmos motmotde gago neramin̄.

<sup>10</sup> Be, Doyan̄ Al Kurun̄yen nañā nalu kurare kurab Holi Spirit belej san̄in̄ po ketal nuryin̄. Irkeb harhokne belej mat al melak kura bigul mere yara kurun̄ po forok yeke nurmirin̄.

<sup>11</sup> Meremin̄be gahade: “Mata keneñ ha gayen asan̄de kaya. Irdeb asan̄ go Yesuyen alya bereya sios taun 7 bana hañ goke teñ kerke kuyeñ. Taun 7 gobe Efesus, Sumena, Pergamum, Taiataira, Sardis, Filadelfiyabe Laodisia,” inyin̄.

<sup>12</sup> Be, al mere nira go kene yeñbe tigiri timirin̄. Tigiri teñbe hulsu go hende yerde yusun̄ yurde

---

<sup>‡</sup> **1:8:** Alfabe Grik mere kan̄ kan̄ matare mere bilmin̄ meheñde, munan̄ Omegabe funan̄de. Alfa gote min̄be min̄ urd urd nin̄ yitin̄, munan̄ Omegabe pasi ird ird nin̄ yitin̄.

hanyen kutum 7 gol hora belen po yirtin goyen yinmirin.

<sup>13</sup> Irdeb hushi 7 go kahaltebe al kura “Al Urmin” inen hanyen goyen kinmirin. Yenbe amil sobam kerke kurkun kahan patare po hitin, irde gol belen po kan yara irtin goyen dumunde bili irtin minyan.

<sup>14</sup> Tonanya tonan yuwalhenya gobe sipsip wuyhenya gagapya faykek wor po go gwahade hinhin, irde dilinbe kak melak yara agat urde hinhin.

<sup>15</sup> Irde kahanbe ain kura baras inen hanyen goyen kakde kunga tike buk yen hel yen hanyen go gwahade yara hinhin. Irde merembe hamula kurunde mat fe solok yen migirin kurun po ten hitin yara nurmirin.

<sup>16</sup> Hani yase belenbe dinambe 7 yanarde hinhin. Irde fulenare nin bidila kura misin kurhan kurhan goyenbe mohan bana mat wan hinhin. Irde kiminbe nana taren po timiytin yara hinhin.

<sup>17</sup> Be, go kenenbe kafura wor po hen al kamtin yara hen kahan minde katen dokolhon yugulun timirin. Irkeb yen belen hani yase ne hende kerde gaha ninyin: “Kafura ma hawayin. Nebe det kurun gayen min urmirin al, irde det kurun gayen pasi ird ird al.

<sup>18</sup> Nebe gwahader hitin al. Kammirin gega, sopte huwarde gwahader po delne gergen himyen gago nenha. Nebe kamde kamde mataya kamtin marte gasunya doyan yird yird tarenne yan.

<sup>19</sup> Ningeb ge belen mata gayenter forok yen han, irde kame forok yenayin kurun goyen delger

yenenj ha gayen asanjde kayayinj.

<sup>20</sup> Hanne yase bana dinambe 7 hañ gaya hulsi 7 gol belenj po yirtinj gote miñ banare hitinj gobe gahade: dinambe 7 gobe Yesuyen alya bereya sios taun 7 bana hañ gote Al Kurunyen miyonj 7 niñ yitinj. Irde hulsi 7 gobe Yesuyen alya bereya sios taun 7 bana hañ goke yitinj,” ninyinj.

## 2

### *Efesus niñ Yesuyen alya bereya niñ yirinj*

<sup>1</sup> Be, al gore sopte gaha ninyinj: “Gebe Yesuyen alya bereya sios Efesus taunde hañ mar goyen doyanj yirde merene basanj heñ saba yirde hiyen al go hitte mere gahade kayayinj:

Mere gabe al dinambe 7 haniñ yase belen janarde hulsi go hende yerde yusunj yurde hanjen kutum 7 gol belenj po yirtinj goyen kahalte kuñ wañ tej hiyen al gore gaha yirinj:

<sup>2</sup> Nebe deñ belenj mata iginj tej metenjanj po tej hanjen, irde kanduk yenenj hanjen goke mukku ma tej sanjinj po heñ hanjen goyen nurde himyen. Irde al kura dufay bulunjinjanj mar goya hitek ma nurde hanjen go wor nurde himyen. Irde al kura yinjenj ge yenj, ‘Neñbe Yesuyen mere basanj mar,’ yenj al hoyanj usi yirde hanjen mar goyen tunanj yurde mereminjbe usi goyen kenkela bebak tej hanjen go wor nurde himyen.

<sup>3</sup> Deñbe ne niñ tej kanduk kurayen kurayen yenenj hanjen gega, goke mukku ma tej tarenj po heñ hanjen. Kanduk goke yul ma yenj hanjen.

<sup>4</sup> Goyenpoga matatin kura goke igin ma nurde hime gobe gahade: denbe hanƙapya Al Kurunya al hoyanya nin amanen wor po nurd yunen hinhan gega, gayenterbe go mata gob tubul ten gwaha ma ten han.

<sup>5</sup> Denbe mata igin wor po ten hinhande mat katamin gobe ugun wor po katamin geb, goke dufay henayin. Irde mata bulunƙin yubul tenbe yen ge bitin mulgan hekeb hanƙapya mata igin ten hinhan goyen sopte ten hinayin. Munan gwaha ma tinayinbe ne beles den hitte kunbe nere hulsi den bana hi goyen gasunende mat ten sija irmeke gabutin gobe hubu po hiyyen.

<sup>6</sup> Gega mata igin kura ten hanyen goke amanen nurde hime gobe gahade: Nikolasyen usi mere gama irde hanyen mar gore mata ten hanyen goke ne beles igin ma wor po nurde himyen gwahade goyen po, den wor go mar goke igin ma nurde yunen hanyen. Gobe igin wor po ten hanyen.

<sup>7</sup> Nin geb al kirmin minyan marbe Holi Spirit beles sios momon yirde hi goyen nurde bebak tina ko. Al kura mata bulunya kandukya goyen fole yirnayin marbe ne beles ok yinmeke nene huginen hitek he iginen Al Kurunyen gasunde han goyen igin nenayin,” yirin.

### *Sumena nin Yesuyen alya bereya sios nin yirin*

<sup>8</sup> Be, al gore sopte gaha ninyin: “Gebe Yesuyen alya bereya sios Sumena taunde han mar goyen doyan yirde merene basan hen saba yirde hiyen al hitte mere gahade kayayin:

Mere diren̄ tihim gabe det kurun̄ gayen miñ uryin̄ irde kame det kurun̄ gayen pasi iryen̄ al gote mere. Yen̄be kamyin̄ gega, sopte huwaryin̄. Meremin̄be gahade:

<sup>9</sup> Nebe den̄ belen̄ kanduk yenen̄ hanyen̄ irde dettin̄ miñmon̄ geb det nin̄ amu wor po hen̄ hanyen̄ gobe nurde himyen. Gega Al Kurun̄yen gasun̄de nin̄ detbe budam wor po den̄ hitte han̄! Nebe al kura yin̄gen̄ ge yen̄, ‘Nen̄be Yuda mar,’ yen̄ al usi yirde han̄ mar gore mere bulun̄ mat dirde hanyen̄ gobe nurde himyen. Go mar gobe Yuda mar wor po mon̄, irde Satanyen̄ mere gama irnin̄ yen̄ gabu irde hanyen̄ mar yen̄ yenen̄ himyen.

<sup>10</sup> Niñgeb den̄be kanduk yennayin̄ goke ka-fura ma henayin̄. Ga nurnan̄. Satan belen̄ den̄ goyen, “Gwaha yirmeke Al Kurun̄ nin̄ dufaymin̄ tareñ irtin̄ goyen tubul tinañ,” yen̄ den̄ han̄ bana gon̄ nin̄ al kura yade koyare yiryen̄. Irde den̄ goyen bulun̄ bulun̄ dirke nan̄a fay 10 gayen kanduk bana hinayin̄. Gega ne nin̄ dufaytin̄ san̄in̄ irtin̄ gobe san̄in̄ po tanarnayin̄. Mudunke kamnayin̄ goke bada ma henayin̄. Gwaha tinayin̄be kame gote murun̄gem iñin̄ wor po Al Kurun̄ya hugin̄en̄ hen̄ hen̄ goyen dunen̄.

<sup>11</sup> Niñgeb al kirmin̄ miñyan̄ marbe Holi Spirit belen̄ sios momon̄ yirde hi goyen nurde bebak tinañ ko. Al kura mata bulun̄ya kandukya goyen fole yirnayin̄ marbe kamnayin̄ gega, sopte kamde kamde gasun̄ kak alare ma kun̄be Al Kurun̄ya hugin̄ hinayin̄,” yirin̄.

*Pergamum nin̄ Yesuyen̄ alya bereya sios nin̄*

*yiriŋ*

<sup>12</sup> Be, al gore sopte gaha ninyiŋ: “Gebe Yesuyen alya bereya sios Pergamum taunde haŋ mar goyen doyaŋ yirde merene basaŋ heŋ saba yirde hiyen al hitte mere gahade kayayiŋ:

Mere direŋ tihim gabe fulenɓe niŋ bidila kura misiŋ kurhan kurhan goyen miŋyaŋ al gote mere. Meremiŋbe gahade:

<sup>13</sup> Nebe deŋ goyen Satan beleŋ nigen tiyuŋ wor po yeŋ nurde tareŋ po metenŋ teŋ hiyende gor haŋ gobe nurde himyen. Gega deŋbe kanduk go bana haŋ goke kafura ma heŋ ne po gama nirde haŋ. Deŋbe ne niŋ dufaytiŋ tareŋ irtiŋ goyen tubul ma teŋ haŋ. Irde ne niŋ biŋde mat fudinde wor po tagalde hiyen al Antipas goyen al beleŋ tauntiŋ bana goŋ mayke kamiyiŋ goyenter wor deŋbe ne niŋ dufaytiŋ saŋiŋ irtiŋ goyen tubul ma tiyamiŋ. Fudinde, tauntiŋ bana goŋbe Satan beleŋ heŋ metenŋ teŋ hi.

<sup>14</sup> Goyenpoga matatiŋ kura igiŋ ma nurde himyen goyen momoŋ direŋ tihim gobe gahade: deŋ haŋ bana goŋ niŋ al kurabe Balamyen saba gama irde haŋ. Balambe Moap naɓare niŋ doyaŋ al kurun Balak beleŋ daha mat Israel mar usi yirke det toneŋ al beleŋ yirtiŋ goyen galak yirtiŋ biŋge nenayiŋ irde leplep matare katnayiŋ yeŋ goke saba iryiŋ.

<sup>15</sup> Gwahade goyen po, kuratiŋ kurabe Nikolasyen usi saba gama irde haŋ.

<sup>16</sup> Niŋgeb matatiŋ goyen yubul teŋ Al Kurun niŋ bitiŋ mulgaŋ hiyyen. Moŋgo ne beleŋ deŋ hitte araŋeŋ kuŋ fulenɓe niŋ bidila mohoŋner



hiyen goyen ten go mar goya artek geb.

<sup>17</sup> Niñgeb al kirminj minyañ marbe Holi Spirit belej sios momoñ yirde hi goyen nurde bebak tinañ ko. Al kura mata bulunya kandukya goyen fole yirnayin marbe kame ‘mana’\* banare hitin goyen kura yuney. Irde hora faykek go hende al deñe gergeñ katin goyen wor yuney. Al deñe gobe hora goyen tiyyey al go po ga nuryey,” yirin.

*Taiataira niñ Yesuyen alya bereya sios niñ yirin*

<sup>18</sup> Be, al gore sopte gaha ninyin: “Gebe Yesuyen alya bereya sios Taiataira taunde hañ mar goyen doyañ yirde merene basañ heñ saba yirde hiyen al hitte mere gahade kayayin:

Mere direñ tihim gabe Al Kurunya Urminde mere. Diliñbe kak melak yara agat urde hinhin. Irde kahañbe ain kura baras iney hanjen goyen kakde kunga tike buk yey hanjen go gwahade yara hinhin. Mereminbe gahade:

<sup>19</sup> Nebe mata dahade ten hanjen goyen nurde hime. Irde deñ belej Al Kurunya al hoyanya niñ amañey nurd yuney hanjen irde Al Kurun niñ dufaytin sañin irde yey ge metey ten hanjen goyen nurde hime. Deñbe yey ge ten kanduk yeneñ hañ gega, goke mukku ma ten tareñ po heñ hanjen goyen wor nurde hime. Gayenter

---

\* **2:17:** Mana gobe bikken Israel mar Isip naña tubul ten sawsawa po kurun naña bana kun hikeya Al Kurun belej bingey yuney hinhin go goyen. Mana kurabe kuwe bana heñ Biña Bokis bana hinhin gega, Babilon mar belej Israel marte naña wañ yakira tikeya bokis gobe bana kurin. Gega Israel marbe kame Mesaia wayyey nalurebe Bokis gobe kawan forok yiyyey yey nurde hanjen.

den beley mata igin ten hanjen gobe hanjapya tinjen henya mata ten hinhan gote folek wor po ten hanjen goyen manan nurde hime.

<sup>20</sup> Goyenpoga matatin kura goke igin ma nurde himyen. Matatin gobe gahade: denbe bere kura goyen denya hen bikken Yesebel<sup>†</sup> mata ten hinhin goyen gama irde hiyen gega, goke bulunen ma nurde tubul tike denya hi. Bere gobe yingen ge yen, 'Nebe Al Kurunen mere basan bere,' yen hi. Bere gore meten marne usi saba yirde mata bulun ten ten belnende yukukeb al kurabe lelep mata ten han, irde kurabe det tonej al beley yirtin goyen galak yirtin binje nene han.

<sup>21</sup> Nebe bere goyen Al Kurun nin bin mulgan hen mata bulunen yubul ten ten nalu kerd unmin gega, gwaha titek ma nurde hi.

<sup>22</sup> Ningeb bere goyen temeymeke kanduk kurun bana katyen. Irde al berem yan beley bere goya duwan ten ten mata ten hanjen marbe ulinde kanduk kurun forok ird yunen. Go mar gobe bere gote mata bulun gama irtin goyen yubul ma tinayinbe kanduk kurun forok irde yunen.

<sup>23</sup> Nebe al kura bere gote saba po gama irde dirnen wen hitin mar goyen gasa yirmeke kamnayin. Gwaha yirmeke gab Yesuyen alya bereya tumnan alyen binde nin dufay kenkela

---

<sup>†</sup> **2:20:** Yesebelbe bikken Israel marte doyan al kura Ahapyen berem. Bere gobe ungura doloj yirdeb Israel mar manan usi yirke bere gote mere gama irde ungura doloj yirde hinhan. (1 Doyan Mar 16:31; 18:4; 21:1-26; 2 Doyan Mar 9:22; 9:30-37)

nurde hi albe yeŋ po yeŋ bebak tinayiŋ. Nebe den beleş mata teŋ haŋ kuruŋ gote muruŋgem duneŋ.

<sup>24</sup> Be, den Taiataira taunde niŋ sios bana bere gote saba ma gama irde Satanyen mata kura banare niŋ wor po ineŋ haŋyen gote saba ma nurde haŋyen mar goyen momoŋ direŋ tihim. Mere ga direŋ tihim gabe kanduk hoyoŋ kura dune yeŋ ma dineŋ hime. Merenebe gahade:

<sup>25</sup> Deŋbe saba igiŋ titiŋ goyen tareŋ po tanarde hinayiŋ. Irkeb ne waŋ deneŋ.

<sup>26</sup> Niŋgeb al kura mata buluŋya kandukya goyen fole irde dufayne po gama irde hike kuŋ kuŋ nalu funaŋ forok yiyyeŋ marbe naŋa karkuwaŋ kurayen kurayen goyen doyaŋ yird yird saŋiŋ yuneŋ.

<sup>27</sup> Goke teŋbe Al Kuruŋyen asaŋde gahade katiŋ hi:

‘Yeŋbe doyaŋ al kuruŋyen kutum kura ain beleş po irtiŋ goyen tanarde mel go doyaŋ yirde hiyeŋ.

Yeŋ beleş mel go gwamuŋ yurke kuwe yase galaŋ yitiŋ yara heŋ buluŋ wor po henayiŋ,’ yitiŋ. *Tikiŋ 2:9*

Niŋgeb yitiŋ gwahade goyen po Adone beleş alya bereya doyaŋ yird yird saŋiŋ nuntiŋ geb, ne wor mata buluŋya kandukya goyen fole yirde dufayne po gama irde hinayiŋ mar goyen doyaŋ mar karkuwaŋ heŋ heŋ tareŋ yuneŋ.

<sup>28</sup> Irde tareŋne turuŋ yaŋ wor po bayfoŋ yara goyen wor yuneŋ.

<sup>29</sup> Al kirmiŋ miŋyaŋ marbe Holi Spirit beleş sios momoŋ yirde hi goyen nurde bebak tinaŋ ko,” yiriŋ.

### 3

#### *Sardis niŋ Yesuyen alya bereya sios niŋ yiriŋ*

<sup>1</sup> Be, al gore sopte gaha ninyiŋ: “Gebe Yesuyen alya bereya Sardis taunde haŋ mar goyen doyaŋ yirde merene basaŋ heŋ saba yirde hiyen al hitte mere gahade kayayiŋ:

Mere direŋ tihim gabe Holi Spirit mata wukkeŋ wor po 7 miŋyaŋ goya dinambe 7 goya yanarde hi al gote mere. Meremiŋbe gahade: nebe mata dahade teŋ hanyen gobe nurde hime. Al hoyaŋ belenbe igiŋ po haŋ yeŋ deney haŋ gega, delnerbe al kamtiŋ yeŋ deney hime.

<sup>2</sup> Niŋgeb huwarnan! Irde matatiŋ igiŋ yubul titek heŋ haŋ goyen sopte yanarde saŋiŋ po yirnaŋiŋ. Gobe Al Kurun diliŋde matatiŋ gobe hako po haŋ yeŋ deney hime geb, gago dinen hime.

<sup>3</sup> Niŋgeb haŋkanya saba damiŋ dirke nura miŋ goke bitiŋ sir ma yenayiŋ. Irde saba goyen gama irde mata buluŋtiŋ goyen yubul teŋ Al Kurun niŋ bitiŋ mulgaŋ hiyyeŋ. Munan huwarnayiŋ moŋbe ma nurde hikeya kawo mar waŋ hanyen gwahade po, deŋ hitte kuŋ matatiŋ gote muruŋgem buluŋ duneŋ. Deŋbe ne gayen deŋ hitte kuŋ kuŋ nalu goyen epte ma bebak tinayiŋ.

<sup>4</sup> Goyenpoga deŋ sios Sardis taunde haŋ mar bana goŋ niŋ al kura matamiŋbe uliŋ umŋa tikiŋ ma yirtiŋ yara Al Kurun diliŋde wukkeŋ haŋ. Mel gobe Al Kurun diliŋde wukkeŋ hitiŋ mar gote amil faykek wor po goyen yunmeke hor teŋbe

neya heɲ mata huwak teɲ hinayiɲ. Mel gobe gwaha yirtek po haɲ geb, gogo yireɲ.

<sup>5</sup> Niɲgeb al kura mata buluɲya kandukya goyen fole yirnayiɲ marbe mel go yireɲ gwahade goyen po, amil faykek wor po goyen hor yirde yuneɲ. Irde deɲembe Al Kurunya hugiɲeɲ hitek marte deɲem katiɲ asaɲde mat yade siɲa ma yireɲ. Gwaha titɲeɲbe Adoneya miyoɲmiɲyat diliɲ mar mel goyen nere yeɲ nurd yuneɲ.

<sup>6</sup> Al kirmiɲ miɲyaɲ marbe Holi Spirit belen sios momoɲ yirde hi goyen nurde bebak tinaɲ ko,” yiriɲ.

### *Filadelfia niɲ Yesuyen alya bereya sios niɲ yiriɲ*

<sup>7</sup> Be, al gore sopte gaha niɲyiɲ: “Gebe Yesuyen alya bereya sios Filadelfia taunde haɲ mar goyen doyaɲ yirde merene basaɲ heɲ saba yirde hiyen al hitte mere gahade kayayiɲ:

Mere direɲ tihim gabe wukkeɲ wor po, irde mere fudinde po teɲ hi al gote mere. Yeɲbe Al Kurun belen alya bereyamiɲ doyaɲ yird yird gasuɲ Dewityen taun inen haɲyen gote miɲ al geb, taun yame degel degel ki goyen miɲyaɲ. Yeɲ belen yame goyen hol iryeɲbe al kura belen epte ma tayyeɲ. Irde yeɲ belen yame goyen tayyeɲbe al kura belen epte ma digilyeɲ. Meremiɲbe gahade:

<sup>8</sup> Nebe deɲ belen mata dahade teɲ haɲ goyen nurde hime. Deɲ goyen igiɲ Dewityen taun bana hurkunayiɲ yeɲbe yame degelde dunmiɲ ga hi ga kennaɲ. Ne belen yame degelde dunmiɲ gabe al kura epte ma tayyeɲ. Deɲbe saɲiɲtiɲ kurun moɲ

gega, merene po gama irde ne niŋ helwan ma heŋ hanŋen goyen nurde hime.

<sup>9</sup> Ga nurnan! Al buda Satanyen mere gama irde han mar gobe usi mar wor po. Go mar gobe yinŋen ge yeŋ, ‘Neŋbe Yuda mar,’ yeŋ han gega gwahade moŋ. Nebe go mar goyen bul yirmeke deŋ hitte wan kahanŋin miŋde urgun kanayin. Irdeb ne beŋ bubulkuŋne wor po yeŋ nurd dunen himyen goyen keneŋ bebak tinayin.

<sup>10</sup> Deŋbe kanduk yeneŋ mukku ma teŋ tareŋ heŋ heŋ ge piŋen ma heŋ hinayin yeŋ tareŋ po dinmirin goyen po gama irde hanŋen geb, ne wor kanduk kurun forok yeŋ yeŋ nalure kanduk gore bulun dird dird beŋnebe pet tiyeŋ. Kanduk gobe alya bereya megen han kurun gote dufayminya mataminya tunan yurd yurd niŋ forok yiyyen gega, deŋ goyen kanduk go bana mat dad siŋa direŋ.

<sup>11</sup> Nebe heŋ ga ma wayen. Niŋgeb mere fudindeva mata huwanya deŋ hitte hi goyen keŋkela po tanarde hinayin. Gogab kame matatin iŋin gote murunŋem goyen al hoyan beŋen epte ma goran dirnayin.

<sup>12</sup> Niŋgeb al kura mata bulunya kandukya goyen fole yirnayin marbe Al Kurunyen ya balem gote tolamin yireŋ geb, Al Kurunya hugineŋ hinayin. Yeŋbe ya balem go ma po tubul teŋ siŋare kunayin. Nebe Al Kurunyen deŋemya taunmin gote deŋemya goyen mel go ulinde kayen. Irde deŋne wor kayen. Taun gobe Yerusalem gergeŋ, Al Kurunyen gasunde mat katyen.

<sup>13</sup> Al kirmin minyan marbe Holi Spirit beŋen

sios momoŋ yirde hi goyen nurde bebak tinaŋ ko,” yiriŋ.

*Laodisia niŋ Yesuyen alya bereya sios niŋ yiriŋ*

<sup>14</sup> Be, al gore sopte gaha ninyiŋ: “Gebe Yesuyen alya bereya sios Laodisia taunde haŋ mar goyen doyaŋ yirde merene basaŋ heŋ saba yirde hiyen al hitte asaŋ gahade kayayiŋ:

Mere direŋ tihim gabe mere fudinde gote miŋ alyen mere. Yeŋbe biŋa tiyyiŋ goyen fudinde po gama ird ird al, irde Al Kurun niŋ fudinde po tagal tagal al. Al gobe det kurun gayen Al Kurun beleŋ forok yiryiŋ gote doyaŋ al. Meremiŋbe gahade:

<sup>15</sup> Nebe deŋ beleŋ mata dahade teŋ haŋyen goyen nurde hime. Dende Al Kurun gama ird ird matatiŋbe saŋiŋ wor po moŋ, irde bulun wor po moŋ, kahaltam po haŋ. Gobe fe kura uka wor po moŋ, irde uysun wor po moŋ go gwahade goyen. Goyenbe deŋ goyen uka hiniŋ yeŋbe ukam po hiwoŋ, munaŋ uysun hiniŋ yeŋbe uysun po hiwoŋ yeŋ nurde hime.

<sup>16</sup> Deŋbe fe kura uka wor po moŋ, irde uysun wor po moŋ yara geb, mohoŋner mat meyaŋ titiŋ yara dirde demeyde harhokne duneŋ tihim.

<sup>17</sup> Deŋbe dindigeŋ ge yeŋbe, ‘Neŋbe igiŋ wor po hite. Mataniniŋbe igiŋ po teŋ hityen geb, mata igiŋ hoyan kura neŋ titekbe hubu,’ yeŋ haŋyen. Goyenpoga deŋbe al bunineŋ wor po, mata igiŋ kura deŋ hitte ma hi goyen bebak ma teŋ haŋ! Deŋbe kaŋaŋ mar, kupsoŋ heŋ kuŋ haŋ, irde diltiŋ titmiŋ yeŋ deneŋ hime.

<sup>18</sup> Niṅgeb ne hitte mat gol hora\* kakde kumga tike igiṅ wor po hitiṅ goyen damu tinaṅ dinen hime. Gogab Al Kurunṅ dilaṅde samunṅtiṅ yaṅ mar wor po henayiṅ. Irde amil faykek† ne hitte damu tinaṅ dinen hime. Gogab kupsoṅ heṅ memyak hitiṅ haṅ goyen amil gore ulṅtiṅ aw duryeṅ. Irde dilṅtiṅ titmiṅ go sope yird yird goke he fiṅmiṅ kura ne hitte damu tinaṅ dinen hime. Gogab igiṅ naṅkenniayiṅ.

<sup>19</sup> Nebe al kura bubulkuṅne wor po yeṅ nurde yuneṅ himyen marbe bulunṅ tike goke yineṅ teṅ saba yirde himyen. Niṅgeb mata igiṅ gama yird yird mata goke po nurde hinayiṅ. Irde mata bulunṅtiṅ yubul teṅ yeṅ ge bitinṅ mulgaṅ hiyyeṅ.

<sup>20</sup> Ga nurnaṅ! Nebe yamere huwarde yame mayde hime. Al kura merene nurde yame degelde nunkeb bana goṅ hurkuṅbe yenya dula teṅ yenya hireṅ.

<sup>21</sup> Niṅgeb al kura mata bulunya kandukya goyen fole yirnayiṅ marbe ne beleṅ al bulunṅ fole irde deṅne yaṅ wor po heṅ Adoneya har gwahade goyen po, yeṅ wor doyaṅ mar karkuwaṅ heṅ neya heṅ heṅ saṅiṅ goyen yuneṅ.

<sup>22</sup> Al kirmiṅ miṅyaṅ marbe Holi Spirit beleṅ sios mere momoṅ yirde hi goyen nurde bebak tinaṅ ko,” yiriṅ.

## 4

---

\* **3:18:** Al Kurunṅ dilaṅde mata igiṅ wor po goke yitiṅ. † **3:18:** Amil faykekbe mata huwak wukkenṅ wor po goke yitiṅ.



*Al Kurunyen gasunɗe niɗ taun goke yiriɗ*

<sup>1</sup> Be, al gore gwaha yiriɗ go kamereb Al Kurunyen gasunɗe hurkuɗ hurkuɗ yame figiltiɗ hinhin goyen forok yeke kinmiriɗ. Irkeb al melak kura haɗkapyɗa bigul mere titiɗ yara nurmiriɗ goyen gore po, “Hende gar waya. Irkeb kame mata dahade forok yenayiɗ goyen gikala gireɗ,” ninyiɗ.

<sup>2</sup> Irkeb goya goyen po Holi Spirit beɗeɗ taren po ketal nuryiɗ. Irkeb kemne mat Al Kurunyen gasuɗ bana Doyaɗ Al Kurunyen keperd keperd gasunɗe al kura keperde hike kinmiriɗ.

<sup>3</sup> Doyaɗ Al Kurunyen keperd keperd gasunɗe gor keperde hinhin al gote dɨnsokbe yaspa horaya hora bukkenɗ konilian ineyɗ haɗyen go gwahade yara agat urde hinhin. Irde gamatsaw beɗeɗ keperd keperd gasuɗ go milgu irtiɗ goyen kinmiriɗ. Gamatsaw gobe hora digulak emeral ineyɗ haɗyen gwahade yara melak heɗ hinhin.

<sup>4</sup> Be, Doyaɗ Al Kurunyen keperd keperd gasuɗ go siɗakyanɗe doyaɗ marte keperd keperd gasuɗ 24 gore milgu irtiɗ hinhan. Go hereɗɗe Al Kurunyen alya bereyat doyaɗ mar parguwak 24 beɗeɗ kipirtiɗde hinhan. Mel gobe amil faykenɗ hor yirde tonanɗeɗe doyaɗ alyen tonanɗhor yirtiɗ hinhan.

<sup>5</sup> Be, Doyaɗ Al Kurunyen keperd keperd gasunɗe matbe dagamel teɗ daga kateɗ hururuɗ teɗ hinhin. Keperd keperd gasuɗ goyen diliɗ marbe hulsi 7 beɗeɗ melak heɗ toltol yeɗ hinhan. Hulsi 7 gobe Holi Spirit mata wukkenɗ wor po 7 miɗyaɗ go goyen.

<sup>6</sup> Irde makaɗ ala galas beɗeɗ po irtiɗ yara

wukkenj wor po goyen wor keperd keperd gasuñ go diliñ mar beleñ hinhin.

Be, doyañ mar 24 gote keperd keperd gasuñ Doyañ Al Kurunyen keperd keperd gasuñ milgu irtin goyen kahal banabe det binfut minyañ Al Kuruñ beleñ yirtin kura sipte hinhan. Det gote binya harhokya beleñbe diliñ beleñ po sam yirtin hinhan.

<sup>7</sup> Det binfut minyañ goyen kurabe laion yara kinmirin. Kurabe bulmakaw yara, irde kurate kimiñbe al kimiñ yara kinmirin. Irde funañbe buntuluñ naña kota foy titin yara gor hike kinmirin.

<sup>8</sup> Det binfut minyañ sipte goyen yunñkuren yunñkurenbe tapen 6 minyañ hinhan. Irde ulin piñbe diliñ beleñ po tumñañ sam yirtin hinhan. Tapen yufuk bana manañ diliñ beleñ sam yirtin hinhan. Det binfut minyañ gobe nañkahalya wawunya huginen gaha yen hinhan:

“Al wukkenj, al wukkenj,

Doyañ Al Kuruñbe al wukkenj wor po.

Al Kuruñ tarenmin kuruñ wor po gobe

bikken hinhin, gayenter hi,

irde kame wayyen,” yen hinhan.

<sup>9</sup> Det binfut minyañ gore Doyañ Al Kurunyen keperd keperd gasunde keperde heñ gwahader hitin al goyen deñem turñuñ yañ irde isoka irde metenmin goke igin nurd unen hinhan.

<sup>10</sup> Gwaha ten hike goya goyenbe Al Kurunyen alya bereyat doyañ mar parguwak 24 beleñbe Doyañ Al Kurunyen gasunde keperde hinhin al gote diliñ mar urgun kañ gwahader hitin al goyen dolon irde hinhan. Mel gobe doyañ mar karkuwande

tonaṅhormiṅ goyen yugu teṅ Doyaṅ Al Kurunyen keperd keperd gasuṅ goyen kahaṅ miṅde yerdeb gaha yeṅ hinhan:

<sup>11</sup> “Gebe Doyaṅ Al Kurunniniṅ, irde Al Kurunniniṅ.

Ge beləṅ po ga det kurunṅ gayen yirariṅ.

Dufayge po gama irde det kurunṅ gayen forok yirariṅ.

Niṅgeb deṅe turṅuṅ yaṅya saṅiṅ kurunṅya tetek po ha.

Irde palap girtek po ha,” yeṅ hinhan.

## 5

### *Asanya Sipsip al diriṅ diriṅnya*

<sup>1</sup> Be, go kamereb Doyaṅ Al Kurunyen keperd keperd gasuṅde kipirtiṅ hinhin al gote haninṅ yase banabe asaṅ sobam bili irtiṅ kura goyen tanarde hike kinmiriṅ. Asaṅ gobe harhok beləṅya biṅ beləṅya tumṅaṅ katiṅ, irde det unṅuni yara goyen 7 yade asaṅ bili irtiṅde gor saṅiṅ yirtiṅ hinhan.

<sup>2</sup> Be, nebe Al Kurunyen miyoṅ tareṅmiṅ kurunṅ wor po kura gore hokde, “Ganuṅ al beləṅ det unṅuni yara asaṅ yulyaṅeṅ bili irtiṅde taga yurtiṅ goyen epte yukala teṅ asaṅ go digilyeṅ?” yeke kinmiriṅ.

<sup>3</sup> Goyenpoga al gore kura asaṅ ulyaṅ go epte degeltek moṅ. Asaṅ goyen bana keneṅ keneṅ manaṅ epte moṅ. Al Kurunyen gasuṅde niṅ, megen niṅ, megeṅ biṅ bana niṅ al ma det kura beləṅ epte ma asaṅ go degelde kentek hinhan.

<sup>4</sup> Irkeb al wukkek wor po kura gore asañ goyen epte degelde go binde kentek minmonj wor po kenenbe goke esitiñde hinhem.

<sup>5</sup> Irkeb Al Kurunyen alya bereyat doyañ marte parguwak kura beleş, “Eseñ ma yo! Yekop urminj kura Yuda, deñem kurabe Laion inenj hanjen gote dari gama irde forok yirinj al gobe Dewityen minde mat watinj. Yenbe asogom al bulun goyen fole irtinj. Al gore gab det unguni yara beleş asañ sobam bili irde tareñ yirtin det 7 goyen epte yukala tenj digilyen,” ninyin.

<sup>6</sup> Be, go kamereb al kura Sipsip al dirin dirnen go gwahade yara kinmirin. Sipsip go kenenminbe bikkenj mayke kamtinj yara kinmirin. Be, Sipsip dirnen go Doyañ Al Kurunyen keperd keperd gasunj kahalte wor po gor huwarde hinhin. Keperd keperd gasunj goyen sinakyanbe det binfut minyanj sipteya Al Kurunyen alya bereyat doyañ marte parguwakya beleş milgu irtin hinhan. Sipsip dirnenj gote hirkambe 7, irde dilinj wor 7 hinhan. Dilin 7 gobe Holi Spirityen mata wukkek wor po 7 minyanj go goyen. Holi Spirit gobe Al Kurun beleş alya bereya megen hanj kurun goke tenj kerke kurin.

<sup>7</sup> Be, Sipsip dirnenj gore Doyañ Al Kurunyen keperd keperd gasunde hinhin al go hitte kun hanin yase bana asañ ulyan bili irde unguni po sanin irtin hinhin goyen tirin.

<sup>8</sup> Be, yen beleş asañ go tekeb det binfut minyanj sipte goya Al Kurunyen alya bereyat doyañ marte parguwak 24 gore Sipsip dirnenj kimin mat urgun kayamin. Urgun kayamin mar gobe yunjkurenj

yuŋkureŋ tikiŋde niŋ det hap inenŋ hanŋen goyen nende gigen yanartiŋ hinhan. Irde koronŋ gol hora belenŋ po yirtiŋ goyen wor yanartiŋ hinhan. Koronŋ bana gonbe det hamiŋ igiŋ muŋ wor po go goyen miŋyaŋ hinhan. Det hamiŋ igiŋ muŋ wor po gobe Al Kurunŋen alya bereya belenŋ Al Kurunŋ mere irde hanŋen go goyen.

<sup>9</sup> Be, mel gobe tikiŋde niŋ det hap inenŋ hanŋen goya koronŋ gol hora belenŋ yirtiŋ goyen yanarde tikiŋ gergenŋ kura hamiŋ. Tikiŋmiŋbe gahade:

“Gebe mugunke kamariŋ.

Irde darige wok yitiŋ go hende harde alya bereya Al Kurunŋ hitte yumulgaŋ tiyariŋ.

Alya bereya gobe miŋ kurayen kurayen, meremiŋ kurayen kurayen, dari miŋ kurayen kurayen, naŋa kurar niŋ kura niŋ yumulgaŋ tiyariŋ.

Goke tenbe ge belenŋ po gab epte asaŋ goyen ten degelayiŋ.

<sup>10</sup> Ge belenŋ mel goyen alya bereya Al Kurunŋ belenŋ doyaŋ yird yird mar yirariŋ.

Irde Al Kurunŋ doloŋ ird ird mata doyaŋ mar yirariŋ.

Irkeb yeŋ belenŋ det kurunŋ megen haŋ kurunŋ goyen doyaŋ yirde hinayiŋ,” yamiŋ.

<sup>11</sup> Be, go kamereb nebe Al Kurunŋen miyoŋ budam wor po epte ma kapyanŋ hetek goyen yenenbe meremiŋ manaŋ nurmiriŋ. Miyoŋ goreb Doyaŋ Al Kurunŋen keperd keperd gasuŋ, det biŋfut miŋyaŋ sipte goyen, irde Al Kurunŋen alya bereyat doyaŋ marte parguwak goyen milgu yiramiŋ.

12 Irdeb hokde po tikiŋ gahade hamiŋ:  
 “Sipsip dirŋeŋ mayke kamyiŋ gore po gab epte  
 saŋiŋ tetek hi.  
 Irde epte Al Kurunyen samuŋ tumŋaŋ igiŋ  
 yawartek hi.  
 Dufay wukkek, saŋiŋ, deŋe turŋuŋ yaŋ goyen igiŋ  
 yende hetek hi.  
 Irde palap irde isoka irtek albe ge po,” yamiŋ.

13 Be, go kamereb det kurun gayen tumŋaŋ  
 tikiŋ heŋ hinhan. Naŋkiŋde niŋ, megen niŋ,  
 megen biŋ bana niŋ, irde makaŋde niŋ det kurun  
 goreb gahade tikiŋ hamiŋ:

“Doyaŋ Al Kurunyen keperd keperd gasuŋde  
 kipirtiŋ hi al goya Sipsip dirŋeŋya goyen  
 isoka yirde palap yirde  
 deŋe turŋuŋ yaŋ yirde tareŋ kurun gobe  
 gwahader yeŋ po yuneŋ hitek,” yamiŋ.

14 Irkeb det biŋfut miŋyaŋ sipte gore wol heŋbe,  
 “Fudinde wor po,” yamiŋ. Irkeb Al Kurunyen  
 alya bereyat doyaŋ marte parguwak beŋeŋ dokol-  
 hoŋ yuguluŋ teŋ urguŋ kaŋbe Al Kurunya Sipsip  
 dirŋeŋya goyen dolon yiramiŋ.

## 6

*Asaŋ bili irde tareŋ yirtiŋ unguni goyen yukala  
 teŋ asaŋ go digilyiŋ*

1 Be, go kamereb Sipsip dirŋeŋ beŋeŋ asaŋ bili  
 irde unguni 7 po saŋiŋ yirtiŋ goyen unkuŋeŋmiŋ  
 ukala tiyyiŋ goyen kinmiriŋ. Irkeb det biŋfut  
 miŋyaŋ sipte hinhan goyen unkuŋeŋ kura beŋeŋ  
 “Waya!” yiriŋ. Mere tiyyiŋ gobe daga migiriŋ  
 yara tiyyiŋ.

<sup>2</sup> Irkeb hos faykek kura goyen forok yeke kinmiriñ. Al kura hos go hende hinhin al gobe hite haniñde manañ hinhin. Irde doyañ alyen tonañhor hor irde untiñ. Irkeb megeñ hike kwa kuruj goyen bana goñ kuñ fulenja tiyyiñ. Yeñ belen po megenya alya yad yad niñ teñ hos hende kuriñ.

<sup>3</sup> Be, Sipsip dirneñ belen unguni kura sopte ukala tikeb det biñfut miñyañ sipte goyen kura belen wor sopte, “Waya!” yeke nurmiriñ.

<sup>4</sup> Be, gwaha yekeb hos hoyañ kura forok yiriñ. Hos gobe bukkenhel yitiñ wor po. Hos go hende keperde hinhin al gobe alya bereya megen hañ gayen biñ kamke awalikde heñ heñ mata goyen teñ siña irke al yiñgeñ uliñ kadom muguneñ teñ kamde kamde sañiñ untiñ. Irde fulenare niñ bidila kuruj kura goyen wor untiñ.

<sup>5</sup> Be, Sipsip dirneñ belen unguni tareñ yiriñ 7 bana goyen karwomiñ ukala tikeb det biñfut miñyañ sipte goyen hoyañ kura belen wor, “Waya!” yeke nurmiriñ. Be, gwaha yekeb hos kura delne mar forok yeke kinmiriñ. Hos gobe halkeñ wor po. Hos go hende keperde hinhin al gobe det kanduk tunañ teñ teñ det kura haniñde tanartiñ hinhin.

<sup>6</sup> Irkeb det biñfut miñyañ sipte hinhan bana goñ mat al melak kura forok yeke nurmiriñ. Merebe gahade: “Albe meten teñ hinayiñ gega, biñgebe budam ma forok yeñ hinayiñ. Irkeb naña fay unñkureñ bana meten teñ murun gem teñ hinayiñ gote hora gore biñge damu teñ hinayiñ gega, biñge budam ma yade hinayiñ. Niñgeb

biŋge damu tiniŋ yeŋ wit damu teŋ hinayiŋbe koronj dirŋeŋ uŋkureŋ gwahade po teŋ hinayiŋ, munan bali damu teŋ hinayiŋbe koronj mukŋeŋ karwo gwahade po yade hinayiŋ. Goyenbe mel gore olip fimiŋya wain fimiŋyabe igiŋ yawar-nayiŋ geb, olip heya wain heyabe buluŋ ma yirayiŋ,” yiriŋ.

<sup>7</sup> Be, Sipsip dirŋeŋ belen uŋguni tareŋ yirtiŋ 7 bana goyen siptemiŋ ukala tikeb det binfut miŋyan sipte hinhan goyen funan belen, “Waya!” yeke nurmiriŋ.

<sup>8</sup> Be, gwaha yekeb hos kura delne mar forok yeke kinmiriŋ. Hos gobe wulsakkeŋ. Hos go hende keperde hinhin al gote deŋembe Kamde Kamde. Yeŋ hos hende waŋ hikeb Al Metebe harhokde go po bindere gama irde waŋ hike kinmiriŋ. Al irawa gobe alya bereya megen han kurun gayen pota yirke buda sipte hekeb buda uŋkureŋbe buluŋ yirke kamde kamde saŋiŋ yun-tiŋ. Niŋgeb buda uŋkureŋ goyen bana al kurabe fulenare niŋ bidilare kamnayiŋ, biŋge kamde kamnayiŋ, kurabe garbam heŋ kamnayiŋ, irde kurabe dapŋa duwi kafuram wor po gore gasa yirke kamnayiŋ.

<sup>9</sup> Be, Sipsip dirŋeŋ belen uŋguni saŋiŋ yirtiŋ 7 bana gon siptesononmiŋ goyen ukala tiyyiŋ. Irkeb al buda kura Al Kurunyen mere gama irde tagalde kuŋ hike gasa yirke kamamiŋ mar gote tonenbe Al Kurun galak ird ird alta yufukde hike yinmiriŋ.

<sup>10</sup> Mel gore hokde po, “Doyan Al Kurun, tareŋgebe kurun wor po. Gebe wukkeŋ wor po,



irde meregebe fudinde wor po. Goyenbe megen haɗ mar beɓeɗ mudunke kamtirin goyen goke daha naɗa gab merere yerde matamin gote murɓem buluɗ goyen wol heɗ yunayin? Sobamde po doyan hetek we?" inamin.

<sup>11</sup> Irde mel gobe yunƙuren yunƙuren amil fayken nende gigen yuntin. Irdeb, "Deɗ mudunke kamamin gwahade goyen po, Doyan Al Kurunya heɗ kadin yago hitin marya Doyan Al Kuruyen meten mar kadin hitin goyen wor gasa yirke kamde hinayin goyen kuɗ kuɗ budam heɗ ep heke gab muduntin mar goyen merere huwarnayin geb, goke doyan heɗ hinayin. Go nalu gobe ulyande ma hikeya forok yiyyen," yinke nuramin.

<sup>12</sup> Be, Sipsip dirɓen beɓeɗ unɗuni taren yirtin 7 bana goyen 6min ukala tiyyin goyen kinmirin. Irkeb niniɗa kurun wor po forok yirin. Naɗabe kidoma buluɗ po hirin. Gobe meme sikken halken wor po gore ulinhor irtin gwahade yara hirin. Irde gagasibe dari yara bukkeɗhel wor po hirin.

<sup>13</sup> Irde dinambe yagobe naɗkinde mat suk yen megen katamin. Dinambe gobe meɗe kurun harde fik he iginen haɗkaɓok fuguru tike megen katen hanɗen go gwahade tiyamin.

<sup>14</sup> Naɗkinbe asan sobam bili irtin yara bili irke hubu hirin. Duguya motmotyabe tumɗan gasanɗe mat yade hoyande yirtin.

<sup>15</sup> Irkeb megen nin doyan mar karkuwan, doyan mar, fulenɗa marte doyan mar karkuwan, al horam yan mar, sanin minyan mar, al kurate

yufuk bana heñ muruŋgem moñ dulin meten ten han maryabe yinŋen dufayminde han marya tunŋan busaharde duguyan hurkuñ horabok bana hinhan, irde kurabe hora karkuwan kahalte mabok binde hinhan.

<sup>16-17</sup> Mel gobe duguya hora karkuwanja goyen mabokde heñbe, “Doyan Al Kurunyen keperd keperd gasunde keperde hi al goya Sipsip dirŋenya gote bearar goyen ganuñ mar beles epte sanin heñ fole irnayin? Hubu wor po! Niñgeb den duguya hora karkuwanja, neñ hende katnan. Irdeb Doyan Al Kurunyen keperd keperd gasunde keperde hi al gote dilinde hitek moñ geb, bana dernan. Irkeb Sipsip dirŋen gote bearar go ma kentek,” yamin.

## 7

### *Alya bereya 144,000 goyen basina yiriyin*

<sup>1</sup> Be, go kamereb Al Kurunyen miyon sipte beles megen muruñ kurhan kurhan huwarde hike yinmirin. Miyonmin sipte gobe mongo mene huwarde megenya makanyabe heya bulun yiryenkek yenbe mene belnen sipte goyen pet ten hinhan.

<sup>2</sup> Irke Al Kurunyen miyon hoyan kura nanja wan wan beles mat wan hike kinmirin. Yenbe alya bereya Al Kurun gwahader hitin beles basina yiriyin goyen kiminde son yird yirdde nin det goyen minyan wake kinmirin. Be, miyon gore miyon sipte, megenya makanya bulun yirtek tareñ yuntin goyen kuware po hoy yirdeb yinyin.

<sup>3</sup> “Neñ beleñ Al Kuruninin gote meten mar kimiñde soñ yird yird goyen pasi irteke gab megen, maƙanya heya goyen gwamuñ yurnayin,” yinyin.

<sup>4</sup> Irde alya bereya Al Kurunyen meten mar kimiñde soñ yirtin goyen kapyan heñ pasi irdeb, “Soñ yirtin mar tumɗanbe 144,000,” yeke nurmirin. Kimiñde soñ yirtin mar gobe Israel mar al miñ 12 bana mat watin.

<sup>5</sup> Go mar gobe gahade:

Yuda miñde niñbe 12,000,  
 Ruben miñde niñbe 12,000,  
 Gat miñde niñbe 12,000,

<sup>6</sup> Aser miñde niñbe 12,000,  
 Naptali miñde niñbe 12,000,  
 Manase miñde niñbe 12,000,

<sup>7</sup> Simeon miñde niñbe 12,000,  
 Liwai miñde niñbe 12,000,  
 Isakar miñde niñbe 12,000,

<sup>8</sup> Sebulun miñde niñbe 12,000,  
 Yosep miñde niñbe 12,000,  
 Benyamin miñde niñbe 12,000.

### *Al buda kurun beleñ Al Kurun doloñ iramin*

<sup>9</sup> Be, go kamereb al buda kurun wor po epte ma kapyan hetek goyen delne mar forok yeke yinmirin. Mel gobe naña karkuwan karkuwan, miñ kurayen kurayen, sikken umña kurayen kurayen, irde merem kurayen kurayende mat watin. Mel gobe amil fayken hor yirdeb Doyan Al Kurunyen

keperd keperd gasunya Sipsip dirñenyat diliñ mar huwarde patila yuwalñeñ yanarde hinhan.\*

<sup>10</sup> Irde kuware po,

“Dumulgañ tej tej mata gobe Al Kurunñiniñya Sipsip dirñenya hitte mat watiñ.  
Al Kurunñbe Doyañ Al Kurunñen gasunñde keperde hi!” yamiñ.

<sup>11</sup> Be, Al Kurunñen miyoñ beleñ tumñañ Doyañ Al Kurunñen keperd keperd gasunya Al Kurunñen alya bereyat doyañ marte parguwakyabe det binfut miñyañ sipteya goyen gote harhokde huwarde milgu yiramiñ. Irdeb Doyañ Al Kurunñen keperd keperd gasunñ beleñ goñ diliñ mar wulgurut yeñ kimiñ megen irde Al Kurunñ dolon iramiñ.

<sup>12</sup> Dolon irde henyañbe gaha yamiñ:

“Fudinde wor po!

Al Kurunñ isoka irde denem turnunñ yañ irde hitek!  
Dufay wukkeky a tarennya sañiñyabe hugiñeñ  
Al Kurunñiniñde po henayiñ.

Yeñ po ga igiñ nurd unenñ palap irde hitek!  
Fudinde wor po!” yamiñ.

<sup>13</sup> Be, go kamereb Al Kurunñen alya bereyat doyañ marte parguwak 24 bana goñ niñ al kura beleñ, “Al buda amil faykeñ hor yirtinñ mar gabe ganunñ? Irde mel gabe damde mat watiñ?” ninen gusunñ niriñ.

<sup>14</sup> Irkeb ne beleñ wol henñbe, “Doyañ al, gebe nurde ha,” inmiriñ. Irkeb yeñ beleñ, “Al buda gabe kanduk kurunñ yeneñ hinhan gega, sañiñ heñ watiñ mar. Mel gabe amil hor yirtinñ goyen

---

\* **7:9:** Patila yuwalñeñbe al bulunñ fole irtinñ goke yitiñ.

Sipsip dirɓeɗe dari beɓe po halde faykek wor po yiramiɓ.

<sup>15</sup> Gwahade niɓeɓ mel gore Al Kurunyen ya balem bana heɓ Doyaɓ Al Kurunyen keperd keperd gasuɗe goɓ diliɓ mar naɓkahalya wawunya doloɓ ird ird mata teɓ hanɓen. Irkeb Doyaɓ Al Kurunyen keperd keperd gasuɗe keperde hi al gore mel goya heɓ yufukde yerde doyaɓ yirde hiyeɓ.

<sup>16</sup> Irkeb mel gobe sopte biɓe ma kamnayeɓ, irde fe niɓ ma yiryen. Irde naɓa ma, kak uka wor po kura gore epte ma buluɓ yiryen.

<sup>17</sup> Gobe Sipsip dirɓeɗe, Doyaɓ Al Kurunyen keperd keperd gasuɓ kahalte hi al gore sipsip doyaɓ al yara heɓ mel go doyaɓ yirde hiyeɓ geɓ, epte ma buluɓ henayeɓ. Yeɓ beɓe mel go bul yirde Al Kurunya hugineɓ heɓ heɓ fe forok yeɓ hanɓen gasunyaɓ yukuyeɓ. Irkeb Al Kurun beɓe mel gote diliɓ fimiɓ tumɓaɓ halde yunyeɓ,” niɓyeɓ.

## 8

*Asaɓ bili irtin unguni tareɓ yirtin goyen funaɓ ukala tiyyin*

<sup>1</sup> Be, Sipsip dirɓeɗe beɓe asaɓ ulyaɓ bili irtin goyen unguni tareɓ yirtin 7 bana goyen funaɓmiɓ ukala tiyyin. Irkeb 30 minit gwahade Al Kurunyen gasuɗe migiriɓ miɓmoɓ, diɗeɗe iramiɓ.

<sup>2</sup> Go kamereɓ Al Kurun diliɓ mar miyoɓ 7 huwarde hanɓen goyen yinmiriɓ. Miyoɓ gobe bigul 7 yunke yanaramiɓ.

<sup>3</sup> Irkeb Al Kurunyen miyon hoyan kura belen det hamnen yan kumba ten tenje nin koron gol hora belen po irtin goyen tenbe Al Kurun galak ird ird alta dilin mar huwaryin. Yenbe Doyan Al Kurunyen keperd keperd gasun dilin mar alta gol po irtin go hende det hamnen igin kumba ten ten goyen kurun po yawaryin. Gobe Al Kurunyen alya bereya mere irde hanjen mar goya gabu yirde Al Kurun galak ire yenbe gogo tiyyin.

<sup>4</sup> Irdeb det hamnen yan goyen kumba tike kaki goya Al Kurunyen alya bereya belen mere irde hanjen goya tumnan gabu hen Al Kurun hitte hurkurin.

<sup>5</sup> Irke gab miyon gore det hamnen kumba ten tenje nin koron goyen tenbe alta hende kak hinhin goyen faryin. Irdeb goyen ten megen timiyyin. Irkeb dagamel ten daga katen hururun ten niniya tiyyin.

### *Bigul 7 mere tiyamin*

<sup>6</sup> Be, gor matbe hanƙarya Al Kurunyen miyon 7 gore bigul 7 yawaramin goyen fu yirnin tiyamin.

<sup>7</sup> Be, miyon 7 bana goyen mehenje nin gore wa bigulmin fu iryin. Irkeb kigarin bilmin hora yara goya kak dariya suluk irtinya goyen kigarin kattin yara kurun po katyin. Irkeb megen kurun gayen kurar kurar humga kurin. Humga kurin gobe megen gayen patke karwo hiyyen, irde unƙurenbe humga kuyen go gwahade hirin. Irde he megen han manan gwahade po tiyamin. Irde yamunbe tumnan humga kwamin.

<sup>8</sup> Be, go kamereb miyon 7 bana gon hoyan kura belen bigulmin fu iryin. Gwaha irkeb det kura

dugu kurun kak humga kun hinhin yara goyen makan alare timiytin kinmirin. Irkeb makan ala kurun kurhanbe dari hirin. Gobe makan ala pota yirke karwo hitin goyen unjkurenbe dari hiyyen go gwahade goyen.

<sup>9</sup> Irkeb makannde nin det binfut minyan pota irde buda karwo yirtin bana gon buda unjkurenbe tunnan kamamin. Irde hakwa yago manan pota irde buda karwo yirtin bana gon buda unjkurenbe gwamun yuryen go gwahade yiryin.

<sup>10</sup> Be, go kamereb Al Kurunyen miyon 7 bana gon karwomin belen bigulmin fu iryin. Gwaha irkeb dinambe kurun milin wor po hulsi melak hen hi yara gore nan kinde mat fe karkuwanya fe muknenya hende katyin. Gobe fe karkuwanya fe muknenya gabu yirde buda karwo yirtin bana buda unjkuren go hende katyen go gwahade goyen.

<sup>11</sup> Dinambe gote denembe “Urek”. Dinambe gore katkeb fe buda gobe urek hamin. Irke al budam wor po fe urek hitin go nene kamamin.

<sup>12</sup> Be, go kamereb miyon 7 bana gon siptemin belen bigulmin fu iryin. Irkeb nana dila goyen paten karwo irke unjkurenbe det kura belen mayke aymuk iryin. Gagasiya dinambe yagoya manan gwahade po bulun hamin. Irkeb sanjinminbe sanjin hen han kapa agat urde han yen go gwahade mon, kidomak hirin. Ningeb nana fay bana gon nana kenkela ma temeyde hinhin, kidomak po hinhin. Wawun wor gagasiya dinam-beya kenkela ma temeyde hinhan, kidoma bulun po hinhin.

13 Be, go kamereb buntulun kura naɗa kota hende hoyan foy ten hike kinmirin. Buntulun gore hokde po, “Mata kafuram wor po! Mata kafuram wor po! Al Kurunyen miyon hoyan karwo han gore bigulmin fu yirkeb mata alya bereya megen han mar hitte forok yenayin gobe kafuram wor po!” yirin.

## 9

1 Be, go kamereb Al Kurunyen miyon 7 bana gon siptesoɗonmin belen bigulmin fu iryin. Irkeb dinambe kura bikken nankinde mat megen katyin goyen kinmirin. Dinambe gobe mete dukun wor po kimyan minon bana gon kurkun kurkun yame hol ird irdde nin ki untin.

2 Irkeb dinambe gore mete dukun wor po bana gon kurkun kurkun yame hol iryin. Irkeb kaki belen kak tupi kurunde mat kaki wan hiyen go gwahade goyen pul yen wayyin. Mete dukun wor po bana mat kaki watin gore naɗa dilinja nankinya pet tike kidoma hirin.

3 Irkeb gusu budam wor po kaki bana mat megen katen hinhan. Gusu gobe misin kalpan belen al yisen hanjen gote taren yara yuntin.

4 Gusu gobe yamunya busa asanyabe he yago megen han goyen bulun ma yirnayin yintin. Gega alya bereya Al Kurun belen kiminde son ma yirtin mar go po ga yisinayin yintin.

5 Goyenpoga gusu gobe al yisike kamde kamde sanin ma yuntin. Yisike gagasi siptesoɗon bana ulin misin kurun po kattek taren po yuntin. Ulin misin bulun po katnayin gobe misin kalpan kura



gore al yisike misin̄ bulun̄ po nurde han̄yen go gwahade goyen.

<sup>6</sup> Gusu beleȳ yisike gagasi siptesoṅṅ ulin̄ misin̄ bulun̄ po kateṅ hinayin̄ya gobe kamde kamde nin̄ wor po nurde hinayin̄ gega ma kamnayin̄. Mel̄ gobe kamtek wor po yirde hiyen̄ gega, kamde kamde beleȳ yenen̄ yilwa yiryen̄.

<sup>7</sup> Be, gusu gobe fulen̄are kuṅ kuṅ nin̄ hos yara gitik yirtin̄ yinmirin̄. Gusu go tonan̄ hendebe det kura doyan̄ al kurun̄yen tonan̄hor gol beleȳ po yirtin̄ goyen hor yirtin̄ hinhan. Irde dinsokbe alyen̄ yara yinmirin̄.

<sup>8</sup> Irde tonan̄ yuwalṅen̄be sobam bereyen yara hinhan. Irde misin̄be dapṅa kafuram wor po kura laion gote misin̄ yara yinmirin̄.

<sup>9</sup> Irde dumun̄debe dari mala pet teṅ teṅde nin̄ det ain̄ parwek goyen yirtin̄. Irde foy teṅ kuṅ hike tapen̄ gote migirin̄be kurun̄ wor po. Migirin̄ gobe fulen̄are nin̄ nima hos beleȳ yulun̄ teṅ han̄yen budam wor po fulen̄are kuṅ hike nan̄a migirin̄ kurun̄ wor po forok yen̄ han̄yen go gwahade goyen.

<sup>10</sup> Gusu buda gobe gifirin̄ manan̄, irde gifirin̄ murun̄de gorbe misin̄ kalpan̄ gote misin̄ hinhan. Gifirin̄ murun̄de gorbe al yisike gagasi siptesoṅṅ ulin̄ misin̄ kattek san̄in̄ min̄yan̄.

<sup>11</sup> Be, gusu goyen doyan̄ yird yird al kura hinhin. Al gobe Satanyen̄ miyon̄, mete dukun̄ bana wor po mat watin̄ al. Deṅembe Hiburu mere mat Abadon, munan̄ Grik mere matbe Apolion.\*

---

\* **9:11:** Abadonya Apolionyat min̄be gwamun̄ yurd yurd al.

<sup>12</sup> Be, mata kafuram mehenɗe niɗ wor pobe gago fole tike hubu hihi. Mata kafuram irawabe kame forok yereɗ taɗar.

<sup>13</sup> Be, Al Kurunyen miyon 7 bana goɗ 6min gore bigulmin ɗu iryin. Irkeb Al Kurun galak ird ird alta gol beɗ po irde Al Kurun dilin mar hitin gote murun sipte kurhan kurhan goɗ hirkam hinhande matbe al melak kura forok yeke nurmirin.

<sup>14</sup> Al melak gore miyon gayamuɗ ga bigul ɗu iryin goyen, “Satanyen miyon sipte Yufretis fe bana fere yirtin goyen yad siɗa yirayin,” inyin.

<sup>15</sup> Irkeb Al Kurunyen miyon gore Satanyen miyon sipte fere yirtin koyare hinhan goyen yad siɗa yiryin. Miyon sipte gobe koyare heɗ heɗbe megen niɗ alya bereya pota yirde buda karwo yirtin bana goɗ buda unɗkureɗ gasa yirke kamnayin yeɗ nalu kirtin goyen forok yekeɗ gogo yad siɗa yiryin.

<sup>16</sup> Be, fulenɗa mar hos hende kuɗ hinhan gobe 200 milion gwahade yeke nurmirin.

<sup>17</sup> Be, hosya go hende kuɗ hinhan marya goyen yuwarwarte yinmirinɗe gahade: dari mala pet teɗ teɗe niɗ det ain parwek dumunɗe yirtin gobe bukkeɗhel yitin, irde kurabe digulakya halkenya muɗ kura suluk irtin, irde kurabe wul-sakkeɗ salfa hora gwahade yara yirtin. Hos gote tonanɗe laionyen tonan yara. Mohonɗe matbe kak, kakiya salfa hora uka wor po heɗ buk yitinɗa goyen waɗ hike yinmirin.

<sup>18</sup> Hos go mohonɗe mat det bulun karwo kak, kakiya salfa hora uka wor po heɗ buk yitinɗa

gore alya bereya megen haɗ goyen budam wor po gasa yirke kamamiɗ. Kamamiɗ mar gobe megen niɗ al tumɗaɗ pota yirde buda karwo heke buda uɗkurenɓe gasa yirke kamnayiɗ go gwahade goyen.

<sup>19</sup> Hos gote tarenɓe mohonya gifiriɗya goyenter hinhin. Gifiriɗbe kunere yara, irde muruɗ belenɓe kunere tonan minyan ala. Gifiriɗ gore al gasa yirde dagim yan yirde hinhan.

<sup>20</sup> Be, alya bereya det buluɗ karwo kak, kakiya salfa hora buk yitiɗ hos mohonde mat waɗ hinhan gore ma gasa yirke kamamiɗ mar gobe yiɗgen mata buluɗ ten hitiɗ goyen yubul ma ten Al Kurunɗ niɗ biɗ mulgan ma hamiɗ. Go mar gobe uɗgura dolon yird yird mataya det toneɗ gol, silwa, baras, horayab heya belen po yirtiɗ goyen dolon yird yird mataya goyen bada ma hamiɗ. Det toneɗ gobe epte ma nanɗkennayiɗ, mere ma nurnayiɗ, irde kuɗ waɗ ma tinayiɗ gega, Al Kurunɗniɗiɗ yen nurde dolon yirde hanɗen.

<sup>21</sup> Irde al gasa yirke kamde kamde mata, merebal kurayen kurayen, leplep matayabe kawe mataya ten haɗ goke Al Kurunɗ pohogay irde yen ge biɗ mulgan ma hamiɗ.

## 10

*Al Kurunɗen miyon kuraya asan bili irtiɗ dirɗen kura goya*

<sup>1</sup> Be, go kamereb Al Kurunɗen miyon hoyan kura tarenmiɗ kurun wor po gore Al Kurunɗen gasunde mat megen katen hike kinmiriɗ. Yenɓe kigariɗkiɗ faykek wor po belen aw urtiɗ, irde

gamatsawbe tonan hende hinhin. Tonan hende hinhin goyenbe tonan sisan ma urde hinhin. Kiminbe nana timiytin yara agat urde hinhin. Irde kahanbe hora beles po tola yirtin humga kun buk yen hanyen go gwahade hinhin.

<sup>2</sup> Hanindebe asan sobam bili irtin dirnen kura goyen digiltin hinhin. Irde kahan yasebe makan alare huwardeb kahan tapabe sina fudinde huwaryin.

<sup>3</sup> Irdeb laion beles mere kurun po ten hanyen yara kuware wor po mere tiyyin. Gwaha tike gab daga 7 mere tiyamin.

<sup>4</sup> Daga 7 mere tikeb ne beles meremin goyen asande kayen timirin. Gega al melak kura forok yenbe, “Daga 7 mere tahan goyen goya ma kayayin, mere gobe banare po hinayin,” ninyin.

<sup>5</sup> Be, Al Kurunyen miyon makan alareya megenya huwarde hike kinmirin gore Al Kurun palap ire yen hanin yase isan hiri.

<sup>6</sup> Irdeb Al Kurun dege urdeb bina sanin po tiyyin. Al Kurun, huginen hiyen al, nankin, megen, makanyabe det kurun gayen yiryin al gote dege urde bina tenyabe, “Al Kurun beles dufaymin bikken kiryin gote iginenbe hen ga mon forok yiyyen. Nalu singir singir ma iryen!

<sup>7</sup> Goyenpoga Al Kurunbe mere basan marmin yinyin gwahade goyen po, miyonmin 7 bigul yawamin bana gon funamin beles bigulmin fu irke gab Al Kurun beles dufaymin kiryin banare hitin gote iginen kawan forok iryen,” yirin.

<sup>8</sup> Irkeb al melak kura nankinde mat hankeya nurmirin gore sopte po gahade ninyin: “Al Ku-

runyen miyon maƙanya megenya hende huwarde hi gote haniɗde asaɗ digiltiɗ hi goyen kuɗ tawa,” ninyiɗ.

<sup>9</sup> Irkeb nebe Al Kurunyen miyon go hitte kuɗbe asaɗ goyen nuni yeɗ gusuɗaɗ irmiriɗ. Irkeb miyon goreb, “Asaɗ ga teɗ nawa. Gabe mo-hoɗgerbe yalaɗgu fimiɗ hapek yaɗ go gwahade nurayiɗ gega, bege bana kurkuɗbe beger tigiri tiyyeɗ,” ninyiɗ.

<sup>10</sup> Irkeb asaɗ dirɗeɗ goyen Al Kurunyen miyon gote haniɗde mat teɗbe nimirɗ. Teɗ nemeke mohoɗnerbe yalaɗgu fimiɗ yara hapek yaɗ nurmiriɗ gega, nukuluk urmekeb kurkuɗ benerbe tigiri tiyyiɗ.

<sup>11</sup> Gwaha timekeb al melak gore, “Gebe alya bereya, naɗa karkuwaɗ, merem hoyan hoyan, irde megen niɗ doyaɗ mar karkuwaɗbe kame dahade hinayiɗ goke Al Kurunyen mere basan heɗ tagalayɗ,” ninyiɗ.

## 11

### *Al Kurun niɗ tagal tagal al irawa*

<sup>1</sup> Be, go kamereb det kurayen kurayen karkuwaɗmiɗ dahade goyen tuɗaɗ teɗ teɗde niɗ kutum kura nunenbe gaha ninyiɗ: “Kuɗ Al Kurunyen ya balemya Al Kurun galak ird ird altaya gote kurunmiɗ tuɗaɗ tiyayiɗ. Irde ya balem bana goɗ Al Kurun doloɗ irde haɗ mar goyen kapaɗ hawayiɗ.

<sup>2</sup> Goyenpoga Al Kurunyen ya balem koya kirtiɗ bana goyen siɗak beleɗ matbe sawsawa kura gabu ird ird gasuɗ hi gobe tuɗaɗ ma tiyayiɗ.

Gasuƙ gobe al miƙ hoyan Yuda mar moƙ goyen waƙ gabu irde hanƙen gasuƙ geb gago dinen hime. Go mar gore gagasi 42 gayen Yerusalem taun Al Kurun dilin de wukken kenen hiyen goyen ufurka ten bulun bulun irnayan.

<sup>3</sup> Nebe ne nin ten tagalde hiriryen al irawa kura sanin ne yunen be yad yermeke wayiryen. Wan be amil kerkek hor irdeb merene basan hen nan fa 1,260 gwahade goyen tagalde hiriryen” ninyin.

<sup>4</sup> Be, Al Kurun nin mere ten ten al irawa gobe olip he irawaya hushi irawaya Doyan Al Kurun dilin mar huwarde haryen go goyen. Doyan Al Kurun gobe alya bereya megen han kurun gate Kurunmin.

<sup>5</sup> Al irawa goyen al kura be len bulun yirin yen tunan yurnayin be al irawa gote mohan de mat kak forok yen asogom mugol kiryen. Al kura irem go bulun yirin yen tunan yurnayin mar be gwaha mat kamnayan.

<sup>6</sup> Irem gobe Al Kurunyen mere basan hen tagalde hen ya kigarin goya katen ma yen nan kin pet ten ten taren minyan. Irde fe kurun gayen yigiri tike dari hetek sanin wor go minyan. Irde mata kafuram al bulun yirtek goyen kurayen kurayen forok yirde alya bereya megen han gayen gin gwamuƙ yurtek taren wor go minyan. Irem gobe gwaha yirye yen be gin gwahade po yirtek sanin minyan hinaryum.

<sup>7</sup> Be, irem go Al Kurunyen mere tagalde pasi hekeb dapna kafuram kura mete dukun wor po kimyan min moƙ bana gon mat watin gore irem

goya arnayıñ. Irde irem go fole yirde gasa yirke kamiryen.

<sup>8</sup> Irkeb irem go kamtiñ hakwambe taun kurun Yerusalem bana goñ niñ belen kurunđe gor yubul tike hiriryen. Taun gokeb Sodom yara ma Isip yara yen hanıyen gogo. Taun goyenterbe bikken al irawa gote Doyan Al Kurun wor mayke kamıyın.

<sup>9</sup> Irkeb naña karkuwan karkuwan, al miñ kurayen kurayen, meremiñ kurayen kurayen, irde sikken umña kurayen kurayen niñ alya bereya belen irem gote ulın hakwam wawun karwoya naña fay sipteya goyen belen yubul titin yennayıñ. Irde hakwam goyen mete ten ten niñ piñen henayıñ.

<sup>10</sup> Megen han marbe tumñan irem go kamke ayan yerdeb detmiñ yingen ulın murungem mon dulin kadom gunen tinayıñ. Al Kurunyen mere basan mar irawa gore megen niñ mar kanduk kurun forok ird yunke biñ misiñ nurde hinayıñ geb, irem go kamkeb gogo aman henayıñ.

<sup>11</sup> Be, naña fay sipteminde nankahal hekeb al yisan hen hen meñe Al Kurun hitte mat katen irem go binde hurkukeb sopte geren hen huwararyum. Irkeb alya bereya tumñan irem go yenenbe kafura wor po hamiñ.

<sup>12</sup> Irkeb al melak kura kurun wor po nanñinde mat, “Hende gar wayyi” yeke Al Kurunyen mere basan mar irawa gobe nuraryum. Nurdeb asogom belen yenen hikeya Al Kurunyen gasunđe kigarınkin faykek hende hurkaryum.

<sup>13</sup> Goya goyenbe niniña kurun wor po forok yirin. Irkeb Yerusalem taun go bulun hirin.

Bulun hirin gobe taun goyen walka ten 10 irde unƙurenbe bulun hirin go gwahade goyen. Bulun hirin bana gonbe 7,000 alya bereya kamamin. Go ma kamamin marbe kafura wor po hen Al Kurun tarenmin kurun wor po goyen denem turnun yan iramin.

<sup>14</sup> Be, mata kafuram kahalte ninbe gogo hubu hirin. Gega mata kafuram hoyan funan karwominbe hen ga ma wayen tiya!

<sup>15</sup> Be, Al Kurunyen miyon 7 bigul yawaramin bana gon miyon funan belan bigulmin fu iryin. Irkeb al melak budam kurun wor po nanƙinde mat forok yenbe, “Gayenter alya bereya megen han kurun gayen doyan yird yird saninbe Doyan Al Kurunya yen belan basina irtin al Mesaiayat haniinde hi. Yen belan gwahader doyan yirde hiyen!” yamin.

<sup>16</sup> Irkeb Al Kurunyen alya bereyat doyan marte parguwak 24, Al Kurun dilin mar keperde hinhan gore wulgurut yen kiminbe megen yirde Al Kurun dolon iramin.

<sup>17</sup> Gwaha irde henyabe,  
“Doyan Al Kurun, gebe Al Kurun, tarenge kurun wor po.

Gebe bikken hinhan, gayenter wor ha.  
Gebe saninge kurun goyen ten alya bereya doyan yird yird meten min urarin.

Ningeb goke igin wor po nurd gunen hite.

<sup>18</sup> Ge ma nurd gunen han mar belan ge nin bin ar yen hinhan.

Gega bege ar yetek nalube gago forok yihi.  
Al kamtin merere huwartek nalube gago forok yihi.



Metenɗ marge, merege basan heɗ heɗ mar,  
 alya bereyage, irde palap girde han mar  
 tumɗanɗ mataminɗ gote muruɗgem yunenɗ  
 yunenɗ nalube gago forok yihi.

Al denem yan ma al denem moɗ goyen tumɗanɗ  
 muruɗgem yunenɗ yunenɗ nalube gago  
 forok yihi.

Alya bereya megen han kurunɗ gayen bulunɗ yi-  
 raminɗ mar goyen mugol kertek nalube  
 gago forok yihi!” yaminɗ.

<sup>19</sup> Be, Al Kurunɗen ya balem gasuɗminɗe hi  
 gote yame fegelke hol yirinɗ. Irkeb bana goɗbe Al  
 Kurunɗen Biɗa tenɗ tenɗ Bokis hike kinmirinɗ. Irkeb  
 dagamel tenɗ daga katenɗ hururunɗ tenɗ hinhin. Irde  
 nininɗa forok yeke kigarinɗ hora yara hitinɗ goyen  
 kurunɗ po katyinɗ.

## 12

### *Bereya asogominɗ deregonya*

<sup>1</sup> Be, gwaha tikeb mata tinɗenɗ kura matamɗenɗ  
 nanɗkinɗe forok yirinɗ. Mata gobe gahade: bere  
 kura nanɗa dilinɗ tenɗ amil hor irtinɗ yara irde gagasi  
 hende huwartinɗ hinhin. Irde dinambe 12 belenɗ  
 doyanɗ alyen tonanɗhor irtinɗ goyen tenɗ tonanɗe hor  
 irtinɗ hinhin.

<sup>2</sup> Bere gobe binɗ minyanɗ, irde dirinɗ kawanɗ kere  
 yenɗ ulinɗ misinɗ kurunɗ katenɗ esenɗ hinhin.

<sup>3</sup> Irkeb nanɗkinɗe mata hoyanɗ kura forok yirinɗ.  
 Mata gobe gahade: deregon kurunɗ milinɗ wor  
 po sikkenɗbe bukkenɗ, irde tonanɗ 7 minyanɗ goyen  
 forok yirinɗ. Tonanɗ 7 gobe doyanɗ al karkuwanɗe

tonaḥor 7 goyen tonaḥ 7yaḥ goyaḥ yirtin ala hinhan. Deregon gobe hirkam 10 minyaḥ.

<sup>4</sup> Deregon gobe siḅgili teḅ naḥa kor irtin yara gifirin temeyde dinambe kwer yurke budam wor po wok yeḅ megen katamin. Dinambe katamin gobe naḅkinde dinambe kurun goyen tumḅaḅ buda karwo yirde unḅkurenḅe wok yeḅ katnayin go gwahade goyen tiyamin. Be, deregon gobe bere gore dirin kawaḅ kerkeb goyare po dirin go neweḅ yeḅ bere go dirin kawaḅ kereḅ teḅ hinhin gote kimin mat pet teḅ hinhin.

<sup>5</sup> Be, bere goyen dirin al dirin kawaḅ kiryin. Dirin gobe doyaḅ alyen kutum ain beleḅ po irtin goyen tanarde naḥa karkuwaḅ karkuwaḅ tumḅaḅ doyaḅ yiryen albe gogo. Niḅgeb deregon gore dirin go niyyenḅek yeḅbe bere gote dirin goyen araḅ po teḅ Doyaḅ Al Kurunyen keperd keperd gasun Al Kurun keperde hinhide gor tukuke gor hinhin.

<sup>6</sup> Be, bere gobe busahardeḅ sawsawa po kurun naḥa bana goḅ gasun kura Al Kurun beleḅ bere goke teḅ gitik irtinde gor kurin. Gasun gobe Al Kurun beleḅ bere goyen naḥa fay 1,260 gahade doyaḅ irde paka ireḅ yeḅ bikkeḅ gitik iryin go goyen.

<sup>7</sup> Be, Al Kurunyen gasunde fulenḅa kurun forok yirin. Al Kurunyen miyonya doyaḅ almin Maikelya beleḅ deregon goya yende miyonminya aramin.

<sup>8</sup> Goyenpoga deregon gobe Al Kurunyen miyon epte fole yirtek tareḅ minmon geb, deregon goya miyonminyabe Al Kurunyen gasunde mat yakira tikeḅ gasun minmon hamin.

<sup>9</sup> Be, deregon gobe takira tikeb megen katyiñ. Deregon gobe kunere bikkeñ hinhin go goyen. Gobe denem kurabe Ungura, kurabe Satan inen hanyen. Yeñ beleñ alya bereya megen hañ kuruj gayen usi yirke mata bulunđe kateñ hanyen. Deregon go temeyke megen katyiñyabe miyonmin yago manañ tumñañ katamin.

<sup>10</sup> Be, go kamereb al melak kuruj wor po nanñinđe mat forok yeke nurmiriñ. Merebe gahade: “Kadniniñ merem yañ yird yird al gobe gogo takira tike megen kata. Huginen wawunya nankahalya Al Kuruj hitte kadniniñ merem yañ yirde hiyen al gobe teñ temeyke megen kata. Niñgeb gayenterbe Al Kurujniniñ beleñ alya bereya yumulgañ tiyyen. Al tumñañ yende tareñ bana hinayiñ. Yeñ beleñ doyañ yird yird nalube gago forok yihi. Mesaia Al Kuruj beleñ basaña iryiñ al gote sañiñ manañ forok yihi.

<sup>11</sup> Mel gobe Sipsip dirneñ gore darim wok irde kamiñ go hende huwarde al bulun go fole irtiñ. Irde mere fudinde po kawan tagaldeb al bulun go fole irtiñ. Niñgeb mel gobe mudunke kamniñ wor igiñ ala yeñ nurde ga hinhan.

<sup>12</sup> Niñgeb deñ Al Kurujyen gasunđe hañ mar tumñañ aman henayiñ. Goyenpoga deñ megenya makanyabe Satan deñ hitte kurka geb, goke kafuram wor po nurde dunhem. Yeñbe nalu ulyande ma hiyen goyen nurde hi geb, goke biñ ar wor po yeñ hi,” yiriñ.

<sup>13</sup> Be, deregon go Al Kurujyen gasunđe mat teñ temeyke megen katyiñ goyen bebak tiyyiñ. Irdeb diriñ al diriñ kawan kiryiñ bere goyen bulun

buluŋ ire yeŋ nankenen kuŋ hinhin.

<sup>14</sup> Bere gobe sawsawa po kurunŋ naŋa bana gonŋ gasuŋ kura Al Kurunŋ belenŋ gitik irde untiŋde gor foy tenŋ kuŋ kuŋ niŋ buntuluŋ kurunŋ wor po gote tapenŋ irawa untiŋ. Gasuŋ gobe bere goyen gor dama karwo irde gagasi 6 gayen gor po hike deregon gore epte ma bere goyen buluŋ iryenŋ yeŋ Al Kurunŋ belenŋ gitik iryinŋ go goyen.

<sup>15</sup> Be, deregon goyen po goyenbe kunere kurunŋ gogo. Goreb bere goyen figilu tiwi yeŋ mohoŋde mat fe kurunŋ wor po fur tiyyinŋ.

<sup>16</sup> Gega megenŋ belenŋ bere go faranŋ urde mohoŋ aŋ irde fe fur tiyyinŋ kurunŋ goyen nen pasi hiriŋ.

<sup>17</sup> Irkeb deregon gobe biŋ ar wor po yeke bere gote diriŋmiŋ yago go ma kamamiŋ megen hanŋ goya arniŋ yeŋ kuriŋ. Go mar gobe Al Kurunŋyen saba gama irde Yesu niŋ yitiŋ mere fudinde goyen kawan po tagalde hanŋyen mar go goyen.

<sup>18</sup> Be, deregon gobe makaŋ ferenŋde huwaryinŋ.

## 13

### *Dapŋa kafuram kura irawa forok yaryum*

<sup>1</sup> Be, yeŋ gor huwarde hike dapŋa duwi kafuram wor po kura makaŋ alare mat forok yeke kinmirinŋ. Dapŋa gobe hirkam 10 miŋyaŋ, irde tonanŋbe 7 miŋyaŋ. Hirkam go hendebe doyanŋ alyen tonanŋhor hor yirtinŋ ala hinhan. Irde tonanŋ 7 go hendebe Al Kurunŋ sukal irtinŋ deŋe goyanŋ katiŋ ala hinhan.

<sup>2</sup> Dapŋa duwi kafuram gobe dapŋa kura lepat inenŋ hanŋyen goyen yara kinmirinŋ. Goyenbe kahanŋbe dapŋa kura bea inenŋ hanŋyen gote kahanŋ

yara, irde mohoŋbe laion mohoŋ yara kinmiriŋ. Be, deregon gore dapŋa kafuram goyen saŋiŋmiŋ unyiŋ. Irdeb deŋe kurun unenbe doyaŋ al kurun iryiŋ.

<sup>3</sup> Goyenbe dapŋa duwi kafuram gote tonan 7 goyen unkuŋen kurabe kamtek ge mayamiŋ gega, gereŋ hitiŋ goyen kinmiriŋ. Alya bereya megen haŋ kurun gore kenenbe tonnen yan wor po yen nurd unenbe gama iramiŋ.

<sup>4</sup> Albe deregon gore dapŋa duwi kafuram goyen doyaŋ al iryiŋ goke deregon goyen dolon iramiŋ. Irde dapŋa duwi kafuram goyen wor dolon irdeb, “Ganuŋ al beŋe epte dapŋa duwi kafuram ga-hade hiyyen? Irde ganuŋ al beŋe epte yeny a ariryen? Hubu wor po!” yamiŋ.

<sup>5</sup> Be, dapŋa duwi kafuram gobe yiŋgen ge turun turun ten, Al Kurun suka 1 ird ird taren untiŋ. Irde doyaŋ al heŋ dama karwoya gagasi 6ya gayen meten ten ten saŋiŋ untiŋ.

<sup>6</sup> Irkeb dapŋa duwi kafuram gore mohoŋ an irde Al Kurun mere bulun mat irde Al Kurunyen denemya gasunmiŋya irde gasunmiŋ bana haŋ marya goyen nanyaŋ yiryiŋ.

<sup>7</sup> Yenbe Al Kurunyen alya bereya goya arde fole yirtek saŋiŋ untiŋ. Irde alya bereya miŋ kurayen kurayen, sikken umŋa kurayen kurayen, meremiŋ kurayen kurayen, irde naŋa karkuwan karkuwan kurun goyen doyaŋ yird yird taren untiŋ.

<sup>8</sup> Irkeb alya bereya megen haŋ kurun gore dapŋa duwi kafuram goyen dolon irnayaŋ. Go mar gote denembe tumŋan Al Kurunya hugiŋen

hitek marte denem nanƙiɗya megenya ma forok yekeya katiɗ asan goyen bana ma haɗ. Asan gobe al belen mayke kamiyɗ al Sipsip dirɗen gote asan.

<sup>9</sup> Niɗgeb al kirmin yanbe merene gayen nurde bebak tinayɗ.

<sup>10</sup> Al kura fere ten koyare yerke hinayɗ yen Al Kurun belen dufaymin kirtin marbe koyare hinayɗ. Munan al kura fulenare nin bidilare gasa yirke kamnayɗ yen Al Kurun belen dufaymin kirtin marbe gwaha mat po kamnayɗ. Niɗgeb Al Kurunyen alya bereyabe kanduk forok yenayɗ kurun goyen goke mukku ma ten tareɗ po hen hen ge pinen ma hen hinayɗ. Irde Al Kurun nin hekkeɗ nurtin goyen sanɗ po tanarde hinayɗ.

*Dapɗa duwi kafuram hoyan kura forok yirin*

<sup>11</sup> Be, alya bereya megen han gore dapɗa duwi kafuram goyen dolon irde han goyen kinmirin go kamereb dapɗa duwi kafuram hoyan kura wor megen bana mat forok yeke kinmirin. Yenbe sipsip dirɗen yara hirkam irawa minyan hinhin. Mereminbe deregonyen mere yara tiyyin.

<sup>12</sup> Yenbe yingen ge ten dapɗa duwi kafuram mehenɗe watin gore sanɗ tirin goyen tenbe meten tiyyin. Irdeb megenya alya bereya megen han goyen yinkeb dapɗa duwi kafuram mehenɗe nin goyen dolon iramin. Dapɗa kafuram mehenɗe nin gobe bikken kamtek ge maytin gega geren hirin go goyen.

<sup>13</sup> Dapɗa kafuram kame wayyin gobe mata tinen turnun yan wor po forok yiryin. Kurabe al belen dilinde kawan po kenen hikeya yen belen irke nanɗinde mat kak megen katyin.

14 Yenbe dapɗa kadam meheɗde wayyiɗ gote diliɗ mar mata tiɗeɗ turɗuɗ yaɗ forok yirdeɓ go hende huwarde alya bereya megen haɗ kurun gayen usi yiryiɗ. Irde dapɗa duwi kadam kafuram fulenɗare niɗ bidilare dagim yaɗ irtiɗ gega go ma kamyiɗ goyen turuɗ ird ird niɗbe dapɗa gote toneɗ irnanɗ yinyiɗ.

15 Yenbe dapɗa duwi kadam kafuram meheɗde wayyiɗ gote toneɗ irtiɗ goyen biɗfut miɗyaɗ ird ird saɗiɗ untiɗ hinhin. Gwaha irkeb toneɗ irtiɗ gore biɗfut irde mere tiyyiɗ. Gobe alya bereya det goyen doloɗ ird ird niɗ igiɗ ma nurde doloɗ ma iramiɗ mar goyen tumɗaɗ gasa yirke kamnanyiɗ yenbe gogo meɗemiɗ fu iryiɗ.

16 Irde dapɗa duwi kafuram kame wayyiɗ gobe al tumɗaɗ Satanyen alya bereya hitiɗ gote haniɗ yasere wet ma kimiɗde wet soɗ yird yird niɗ wor pakku yiryiɗ. Al deɗem moɗ, al deɗem yaɗ, horam yaɗ mar, al siksukɗeɗ, irde al kurate metenɗ marya yinɗeɗde dufayde metenɗ teɗ haɗ marya tumɗaɗ haniɗ yase ma kimiɗde soɗ yird yird niɗ pakku yiryiɗ.

17 Gogab al kura haniɗde ma kimiɗde soɗ yirtiɗ goyen hubu kenem epte ma det damu tinayiɗ, irde epte ma det yunke al hoyanɗ beɗeɗ damu tinayiɗ. Al haniɗ yasere kurab kimiɗde soɗ yird yird gobe dapɗa duwi kafuram gote deɗem, kurabe deɗem gote namba.

18 Niɗgeb albe mata goyen keneɗ igiɗ bebak titek dufay wukkeɗ go miɗyaɗ ala hinayiɗ. Al kura keɗkela bebak teɗ teɗ tareɗ miɗyaɗ al gobe tubul tike dapɗa duwi kafuram gote namba gote

miŋ bebak tinayiŋ. Namba gobe al unƙuren ƙura gote namba. Nambamiŋbe 666.

## 14

### *Sipsip al dirin dirnya al 144,000ya*

<sup>1</sup> Be, go kamereb Sipsip dirneŋ beŋ Saion doŋdoŋde huwarde hinhin goyen kinmirin. Yenbe alya bereya 144,000 gote kimiŋdebe Sipsip dirneŋ gote deŋemya Naniŋde deŋemya katiŋ mar goya dugure gor huwarde hinhan.

<sup>2</sup> Irkeb migirin ƙuruŋ ƙura naŋƙiŋde mat forok yeke nurmirin. Migirin gobe fe hamulare solok yeŋ migirin ƙuruŋ teŋ hiyen go gwahade goyen, irde daga kateŋ hiyen go gwahade yara nurmirin. Gega migirin gobe kirmiŋner igin wor po nurmirin. Tikiŋ heŋ heŋde niŋ det ƙura hap inen hanŋen goyen kari yirde hike tikiŋ forok yeŋ hiyen gwahade yara nurmirin.

<sup>3</sup> Hap goyen kari yiramiŋ mar gore Doyaŋ Al Ƙuruŋyen keperd keperd gasunya det binfut miŋyaŋ sipte goya Al Ƙuruŋyen alya bereyat doyaŋ marte parguwakya gote diliŋ mar huwarde tikiŋ gergeŋ ƙura hamiŋ. Tikiŋ gobe Sipsip dirnya hinhan mar 144,000 yeŋ beŋ megen mat yumulgaŋ titiŋ gore po gab tikiŋ go tuŋaŋ urde tikiŋ hetek hinhan. Al hoyanbe epte ma gwaha titek hinhan.

<sup>4</sup> Mel gobe bere hoyanya ma firin gwahade goyen po, det toneŋ al beŋ yirtin goyen dolon ma yirde Al Ƙuruŋ diliŋde wukken hitin mar go goyen. Go mar gobe Sipsip dirneŋ goyen hugiŋen gama irde haŋ. Yenbe megen haŋ mar



go bana goŋ mat basiŋa yirde det damu titiŋ yara Yesu darim wok irde kanyiŋ gore yumulgaŋ titiŋ. Irdeb metenŋ gergenŋe niŋ binŋe mehenŋe yawartiŋ goyen Al Kurunŋ galak irde hanŋen yara mel goyen Al Kurunŋya Sipsip dirŋenŋya hitte galak yirtiŋ.

<sup>5</sup> Mel gobe usi mere kura ma titiŋ, irde ulinŋe mere miŋmoŋ hinhan.

*Al Kurunŋyen miyoŋ karwo beŋe mere tagalamiŋ*

<sup>6</sup> Be, go kamereb Al Kurunŋyen miyoŋ hoyanŋ kura naŋa kota foy teŋ hike kinmiriŋ. Yeŋbe megen hanŋ mar hitte Yesu niŋ yitiŋ mere gwa-hader hitiŋ goyen momoŋ yirtek miŋyaŋ hinhin. Yeŋ beŋe naŋa karkuwanŋ karkuwanŋ, al miŋ kurayen kurayen, meremiŋ kurayen kurayen, irde al sikkenŋ kurayen kurayen goyen momoŋ yirtek mere igiŋ miŋyaŋ hinhin.

<sup>7</sup> Be, miyoŋ gore kuware po, “Al Kurunŋ beŋe alya bereya tumŋanŋ merere yertek nalu binde hihi geb, kafura irde deŋem turnuŋ yaŋ irnayiŋ. Nanŋkiŋ, megenŋ, makanyabe fe diliŋya forok yiriŋ al goyen doloŋ irnayiŋ,” yiriŋ.

<sup>8</sup> Be, gwaha yekeb Al Kurunŋyen miyoŋ hoyanŋ beŋe kadam go gama irdeb, “Babilon taun kurunŋ wor po gobe gwamuŋ urtiŋ! Buluŋ wor po hitiŋ! Babilon gore alya bereya naŋa karkuwanŋ karkuwanŋ bana hanŋ mar goyen nene kukuwa wor po hetek wain yuniŋ. Wain gobe leplep matamiŋ go goyen,” yiriŋ.

<sup>9</sup> Be, gwaha yekeb Al Kurunŋyen miyoŋ hoyanŋ kura gore kadam irawa goyen gama irde kuware

po gaha yiriñ: “Al kura dapña duwi kafuramya gote toneñ irtiñ goya goyen dolon yirde kimiñde ma haniñde dapña duwi gore nere yeñ basiña yirde deñem soñ yirtiñ marbe

<sup>10</sup> wain sañiñ wor po nene garbam bulun po heñ hanñyen yara Al Kurunñyen bearar kurun po kennayiñ. Go mar goyen hittebe Al Kurunñyen beararmiñ kurun wor po fe wogortiñ yara irde yunyeñ. Irkeb go mar gobe Al Kurunñyen miyon yago wukken wor poya Sipsip dirñenya diliñ mar heñ salfa hora humga kuñ hi gore yisike uliñ misiñ kurun wor po kateñ hinayiñ.

<sup>11</sup> Go mar go kumga yirde hiyen kak gote kakimbe gwahader wañ hurkuñ hiyeñ. Niñgeb al kura dapña duwi kafuramya gote toneñ irtiñ goya goyen dolon yirde hanñ mar, irde haniñde ma kimiñde dapña gote deñem soñ yirtiñ marbe usañeñ moñ wawunya nanñkahalya hugiñeñ uliñ misiñ kateñ hinayiñ,” yiriñ.

<sup>12</sup> Niñgeb Al Kurunñyen alya bereya sabamiñ gama irde Yesu niñ hekkeñ nurd nurd mata ma tubul titiñ maryabe kanduk budam yeneñ goke mukku ma teñ tareñ po heñ heñ ge piñeñ ma heñ hinayiñ.

<sup>13</sup> Be, Al Kurunñyen miyon karwo gore mere tiyamiñ go kamereb al melak kura nanñkinde mat gaha yiriñ: “‘Gayenter mat al kura Doyan Al Kurunñ niñ teñ kamnayiñ marbe Al Kurunñ belen gurañ yirde sañiñ yiryen,’ gwahade kaya,” yiriñ.

Irkeb Holi Spirit belenbe, “Fudinde, mel gore Al Kurunñ niñ metenñ tahañ gote iginenñbe kawan forok yenayiñ geb, mel gobe metenñ tareñ po teñ

hitin goyen yubul ten usan hen hinayin,” yirin.

*Megen binje ep hitin yad yad nalu forok yirin*

<sup>14</sup> Be, go kamereb delne mar kigarinƙin faykek wor po forok yeke kinmirin. Kigarinƙin go hende al kura Al Urmin yara goyen keperde hinhin. Tonanƙebe doyan al kurunyen tonanƙhor gol belen po irtin goyen hor irtin, irde wit sak yeke walde walde bidila goyen haniƙe hike kinmirin.

<sup>15</sup> Be, Al Kurunyen miyon hoyan kura belen Al Kurunyen ya balem bana mat sinare katen kuware po kigarinƙin faykek hende kipirtin hinhin al goyen inyin. “Wit sak yen yen nalu forok yeke bidila ten walde yad buda yirde hanyen yara, megen nin mar yad yad nalube gago forok yihi geb, alya bereya ge belen yawartekbe yawara,” inyin.

<sup>16</sup> Gwaha inkeb kigarinƙin faykek hende keperde hinhin al gore bidilamin temeyde walyin. Alya bereya megen han goyen yawaryin.

<sup>17</sup> Be, go kamereb Al Kurunyen miyon hoyan kura Al Kurunyen gasunminde nin ya balem bana mat sinare katyin. Yen wor bidila yaltin kura haniƙe manan katyin.

<sup>18</sup> Irkeb Al Kurunyen miyon hoyan kura sopte Al Kurunyen ya balem bana kak doyan irde hiyen gore Al Kurun galak ird ird altare mat wanbe bidila go tanarde hinhin miyon goyen kuware po inyin. “Wain iginenbe fin hahan geb, bidilage misin yan go ten megen nin wain metenƙe gor kurkun wain iginen walde yawara,” inyin.

<sup>19</sup> Irkeb miyon gore bidilamin goyen temeyde wain iginen benekde walde yade wain gilyan hen

heñ gasuñde yiriyiñ. Wain gilyañ heñ heñ gasuñ gobe Al Kurunyen bearar go goyen.

<sup>20</sup> Niñgeb wain igineñ gilyañ heñ heñ gasuñ taun siñare hiyen goyenter yukunñ gilyañ hitiñ yara Al Kurunñ ma nurd uney hañ mar go gilyañ heñ heñ gasuñde gor yerde karka tikeb darimbe figilu yara kateñ 300 kilomita gisaw wor po kutiñ. Dari beleyñ figilu yara hitiñ gote dukunñiñ tunañeñbe megen mat hurkunñ hos gote pukinñ al keperde hanjyende go gwahader hiriñ.

## 15

*Al Kurunyen miyonñ 7 beleyñ mata kafuram 7 forok yiramiñ*

<sup>1</sup> Be, go kamereb mata turñuñ yañ wor po hoyañ kura nanñiñde forok yeke kinmiriñ. Mata gobe gahade: Al Kurunyen miyonñ 7 beleyñ mata 7 kafuram wor po tiyamiñ. Mata kafuram gabe Al Kurunyen bearar funañ wor po goyen forok yetekbe gago.

<sup>2</sup> Be, go kamereb makañ ala galas beleyñ po irtinñ goya kakya suluk yirtinñ goyen kinmiriñ. Irde al kura dapña duwi kafuramy gote toneñ irtinñ goyabe deñemde namba 666ya goyen fole yirtinñ marbe makañ siñare huwarde hike yinmiriñ. Mel gobe tikiñde niñ det hap iney hanjyen Al Kurunñ beleyñ yuntinñ goyen yanartinñ hinhan.

<sup>3</sup> Irdeb Al Kurunyen meteyñ al Mose beleyñ tikiñ hitiñ goyen hamiñ. Sipsip dirñey goke tikiñ hitiñ goyen manañ hamiñ. Tikiñ bilmiñ gobe gahade: “Al Kurunñ, gebe Doyañ Al Kurunñ, tareñge kurunñ wor po.

Metengebe kurun wor po, irde turnun yan wor po!

Doyan Al Kurun, gebe gwahader hitin.

Matagebe fudinde, irde huwak wor po.

<sup>4</sup> Doyan Al Kurun, ganun al beley kafura ma girnayin?

Ganun al beley denge turnun yan ma girnayin?

Ge po ga wukken wor po.

Matage huwak goyen alya bereya nana karkuwan karkuwan bana han mar goyen tumnan kennayin geb,

ge hitte po wan dolon girnayin,” yamin.

<sup>5</sup> Be, go kamereb Al Kurunyen gasunde nin ya balem bana gon gasun himam goyen yamemin kawan po hol yeke kinmirin.

<sup>6</sup> Be, ya balem bana gon mat Al Kurunyen miyon 7 gore mata 7 kafuram wor po goyen forok yirin yen sinare katamin. Miyon gobe amil sobam faykek wor po milmulken goyen hor yirtin hinhan. Irde gol beley po kan yara irtin goyen dumunde bili irtin hinhin.

<sup>7</sup> Be, det binfut minyan sipte Doyan Al Kurunyen keperd keperd gasun milgu irtin hinhan goyen unkuwen kura beley kuwe gol beley po yirtin 7 goyen Al Kurunyen miyon 7 go yunin. Kuwe 7 bana gonbe gwahader hiyen al Al Kurun gote bearamin fe makin yirtin yara hinhan.

<sup>8</sup> Irke Al Kurunyen ya balem bana gonbe Al Kurunyen denem turnun yan wor poya saninmin kurun wor poya goyen kawan forok yird yird kaki beley makin hirin. Irkeb al kura epte ma ya bana gon hurkutek hirin. Ya balem bana

goṅbe Al Kurunyen miyon 7 gore mata kafuram 7 forok yirtek goyen hubu heṅ pasi yirke gab igin hurkutek hiriṅ.

## 16

### *Al Kurunyen bearar gote kuwe 7*

<sup>1</sup> Be, go kamereb al melak kura Al Kurunyen ya balem bana goṅ mat kuware po Al Kurunyen miyon 7 goyen yinke nurmiriṅ. Meremiṅbe gahade: “Kunaṅ. Kuṅ Al Kurunyen bearar kuwe 7 bana haṅ goyen megen wogornaṅ,” yinyiṅ.

<sup>2</sup> Be, gwaha yinkeb miyon meheṅde niṅ gore kuṅ kuwemiṅ goyen megen wogoryiṅ. Irkeb usu yeneṅmiṅ kafuramyā misiṅmiṅ buluṅ wor poya goyen dapṅa duwi kafuram gote deṅe uliṅde soṅ yirtiṅ maryā dapṅa gote toneṅ doloṅ irde hanṅen maryā gote uliṅde forok yamiṅ.

<sup>3</sup> Be, Al Kurunyen miyon 7 goyen irawamiṅ beṅ kuwemiṅ makaṅ alare wogoryiṅ. Wogorkeb makaṅbe al kamtiṅde dari yara hiriṅ. Irkeb makaṅde niṅ dapṅa tumṅaṅ kamamiṅ.

<sup>4</sup> Be, Al Kurunyen miyon 7 goyen karwomiṅ beṅ fe karkuwanyanya fe diliṅyanya kuwemiṅ wogorke dari po hiriṅ.

<sup>5</sup> Yeṅ beṅ gwaha tikeb Al Kurunyen miyon kura fe doyaṅ yirde hiyen goreb gaha yeke nurmiriṅ: “Al Wukkeṅ wor po, gebe hakot hinhan, gayenter wor ha. Ge beṅ al merem yaṅ yird yird gobe huwak wor po.

<sup>6</sup> Go yirha mar gobe gere alya bereya goya mere basaṅ margeya goyen gasa yirke darim wok yeṅ kamamiṅ. Goke teṅ ge beṅ go mar

goyen wolminen yirde dari nenan yen yunha gobe gwaha yirtek po yirha,” yirin.

<sup>7</sup> Irkeb al melak kura Al Kurun galak ird ird altare mat forok yeke nurmirin. Mereminbe gahade: “Fudinde, Al Kurun, gebe Doyan Al Kurun, tarengembe kurun wor po! Ge beley merem yan yirde ha gobe fudinde mat yirde ha, irde huwak wor po ten ha,” yirin.

<sup>8</sup> Be, Al Kurunyen miyon 7 goyen siptemin beley kuwemin nana dilin hende wogoryin. Irkeb nana gobe tarey po temeyde alya bereya kumba yirtek sanin minyan hiri.

<sup>9</sup> Be, alya bereya gobe nana gote uka bulun wor po gore kumba yiryin. Irkeb go mar gore mata kafuram gwahade goyen doyan yirde hi al Al Kurun goyen karan uramin. Irde mata bulunmin yubul ma ten Al Kurun nin bin mulgan ma hamin. Irde Al Kurun denem turnun yan ma iramin.

<sup>10</sup> Be, Al Kurunyen miyon 7 goyen siptesononmin beley kuwemin dapna duwi kafuram gote keperd keperd gasun hende wogoryin. Gwaha irkeb dapna duwi kafuram gore alya bereyamin doyan yirde hiyen nana kurun gobe kidoma beley aw uryin. Irkeb mel gobe kankuknen wor po nurdeb melak yisamin.

<sup>11</sup> Irdeb ulin misin katen han goya usuminya goke ten Al Kurun saninmin kurun wor po goyen karan uramin. Irde mata bulunmin yubul ten yen ge bin mulgan hetek ma yiryin.

<sup>12</sup> Be, Al Kurunyen miyon 7 goyen 6min beley fe kurun Yufretis inen hanen go hende kuwemin wogoryin. Gwaha irkeb Yufretis fe kurun gobe

pet yiriŋ. Gobe naŋa waŋ waŋ beleŋ mat doyaŋ mar karkuwaŋ waŋ waŋ niŋ beleŋ kerd yune yeŋbe gogo fe goyen pet yiriŋ.

<sup>13</sup> Be, gor matbe det toneŋ buluŋ karwo kura huri yara goyen yinmiriŋ. Det toneŋ kurabe dere-gon mohon bana mat katiŋ, irde kurabe dapŋa duwi kafuram gote mohon bana mat katiŋ, irde funaŋbe Al Kurunyen mere basaŋ al falkuk gote mohon bana mat katiŋ.

<sup>14</sup> Det toneŋ gobe uŋgura, mata tiŋeŋ turuŋuŋ yaŋ wor po goyen forok yirde hanŋen gote toneŋ. Toneŋ goreb Al Kurun watek nalu kurun goyenter asogo irde fulenŋa irniŋ yeŋbe megen niŋ doyaŋ mar karkuwaŋ goyen yawaŋ gabu yird yird niŋ kwamiŋ.

<sup>15</sup> Be, goya goyenbe al melak kura forok yeke nurmiriŋ. Meremiŋbe gahade: “Ga nurnaŋ! Nebe al kura kawe al goyare wayeŋ tiya yeŋ ma nurde hikeya wayyeŋ go gwahade goyen tiyeŋ. Niŋgeb al kura kawe al goyare wayyeŋ yeŋ ma nurdeya ma ferde uliŋhormiŋ kerde pet titiŋde hiyeŋ go gwaha goyen, ne waŋ waŋ niŋ doyaŋ heŋ keŋkela hinayiŋ marbe Al Kurun beleŋ guram yirde tareŋ yiryen. Gogab kawe al beleŋ waŋ bemel irke kupson al diliŋde kuŋ memya ma hiyyeŋ go gwahade goyen po, ne niŋ keŋkela doyaŋ heŋ hinayiŋ mar wor memya ma henayiŋ,” yiriŋ.

<sup>16</sup> Be, go kamereb det toneŋ buluŋ beleŋ megen niŋ doyaŋ mar karkuwaŋ gasuŋ kura Hiburu mere mat Amagedon inen hanŋende gor gabu yiramiŋ.



<sup>17</sup> Be, Al Kurunyen miyon 7 goyen funanmin belen nana kota kuwemin wogoryin. Irkeb Al Kurunyen ya balem bana Doyan Al Kurunyen keperd keperd gasunde gor mat al melak kurun kura forok yenbe, “Gog po hubu hihi!” yirin.

<sup>18</sup> Irkeb dagamel ten daga katen hururun ten niniya kurun wor po forok yirin. Al megen forok yaminde mat wan wan gayenter niniya gwahade kura ma forok yen hitin. Niniya gobe bulun wor po, niniya ten hitin kurun gote folek wor po.

<sup>19</sup> Be, niniya go forok yekeb taun kurun Babilon gobe gilgalan irde karwo hamin. Irde taun karkuwan hoyan megen han kurun goyen wor gwamun yurtin hinhan. Al Kurunbe Babilon\* taun kurunde nin mar gote mata bulun goke bin sir ma yirin geb, mata bulunmin goke bearar ten gwamun yuryin. Gobe beararmin wain yuntinen yirin.

<sup>20</sup> Irkeb motmot tumnan hubu hamin, irde dugu wor hubu hamin.

<sup>21</sup> Irde naninde mat kigarin bilmin hora yara hitin gore al hitte kurun po katyin. Kigarin bilmin unkuwen horam hitin gote kandukminbe 50 kilogram kanduk wor po. Be, kigarin hora yara hitin katyin goke al belen Al Kurun karan uramin. Mata forok yirin gobe kanduk kurun wor po geb, gogo karan uramin.

## 17

*Belen nin bereya Dapna duwi kafuramya*

---

\* **16:19:** Babilonbe Rom nin yitin.

<sup>1</sup> Be, Al Kurunyen miyon 7 kuwe 7 yanartinj mar goyen unkuwen kura belen ne hitte wanbe gaha ninyinj: “Wake kure. Kun belen nin bere kura fe karkuwan budam hende keperde hi goyen daha mat Al Kurun belen gwamun uryen goyen gikala gire. Bere gobe taun kurun kura fe karkuwan kahalte irtinj go goyen.

<sup>2</sup> Megen nin doyan mar karkuwan belen bere goya duwan ten ten mata ten han. Irde megen han marbe wain nene kukuwa hen hanyen yara bere gote mata bulun goyen ulin bana hilyan kun pasi hekeb yende mata po gama irde bulun wor po hitinj han,” ninyinj.

<sup>3</sup> Be, Holi Spirit belen ketal nurkeb miyon gore sawsawa po kurun nanja bana gon nukurinj. Gorbe bere kura dapna duwi kafuram kura goyen hende kipirtinde hike kinmirinj. Dapna gote ulinbe bukkenhel. Irde ulindebe Al Kurun sukal ird ird mere po makin hitinj. Dapna duwi gobe tonan 7ya hirkam 10 minyan hinhin.

<sup>4</sup> Bere gote amil umna kurabe bukkenhel, irde kurabe bukken wor po mon digulakya suluk irtinj\* yara goyen hor irtinj hinhin. Irde golya hora kusamun damum hende wor poya gore po umna titinj. Irde pal hora selwen yara damum hende wor po goyen manan yade ulin umna irtinj hinhin. Bere gobe gisu gol belen irtinj goyen haninj yase belen tanartinj hinhin. Gisu bana gonbe mata memyakya leplep mata mormokya goyen makin hitinj hinhin.

---

\* **17:4:** Bukkenya digulakya suluk yirke umna hoyan kura forok yen hiyen. Umna goreb doyan marte amil umna yirde hanyen.

<sup>5</sup> Bere gote kimiñdebe deñem kura miñ banare hitiñ goyen katiñ hinhin. Deñembe gahade:

BABILON KURUŇ, BELEN NIŇ BERE KURUŇ  
GATE MILIŇ, IRDE MEGEN NIŇ MARTE MATA  
BULUŇ GOTE MIŇ BIRIŇ

<sup>6</sup> Bere gore Al Kurunyen alya bereya budam gasa yirke kamamiñ. Irkeb bere gore dari goyen wain nene kukuwa hitiñ yara tiyyiñ goyen kinmiriñ. Mel gobe Yesu gama irkeb gogo gasa yirke kamamiñ.

Be, nebe bere go kenenbe kukuwamñeñ wor po nurmiriñ.

<sup>7</sup> Irkeb Al Kurunyen miyoñ nukuriñ goreb, “Daniñ kukuwamñeñ nurde ha? Bere gote miñ banare hinhin goyen momoñ gireñ. Irde dapña duwi kafuram tonañ 7, irde hirkam 10 miñyañ, bere gore go hende keperde hi dapña duwi gote miñ wor momoñ gireñ.

<sup>8</sup> Be, dapña duwi kafuram wor po kenha gobe bikkeñ hinhin. Gega gayenterbe go ma hi. Goyenbe kame mete dukuñ wor po kimyan miñmoñ bana mat wañ forok yiyyeñ. Forok yekeb mayke hugiñeñ kamyeñ. Goyenbe dapña go megen forok yekeb megen niñ mar beleş kenenbe diliñ fot yenayiñ. Dapña gobe kamyiñ gega, sopte forok yekeb gogo kenenbe diliñ fot yeñ amañ henayiñ. Amañ henayiñ mar gote deñembe Al Kurun beleş megenya nanñiñya forok yiryiñde mat wañ wañ gayenter Al Kurunya hitek marte deñem katiñ asañde gor ma hañ.

<sup>9</sup> “Niñgeb mata forok yitiñ goyen bebak tiye yeñbe keñkela po dufay hawayiñ. Dapña duwi kafuram gote tonañ 7be higiliñ 7 niñ yitiñ. Higiliñ

7 go hendebe belen niŋ bere goyen keperde hiyen.

<sup>10</sup> Higiliŋ 7 gobe doyaŋ mar karkuwaŋ 7 niŋ manaŋ yitiŋ. Doyaŋ mar karkuwaŋ 7 bana goyen siptesoŋoŋbe bikkeŋ forok yeŋbe hubu hamiŋ. Irde doyaŋ al kuruŋ unkuŋeŋbe gayenter hi. Irde doyaŋ al kuruŋ funaŋbe hako waŋ hi. Yeŋ wayyeŋbe nalu dolfonde po alya bereyamiŋ doyaŋ yirdeb hubu hiyyeŋ.

<sup>11</sup> Dapŋa duwi kafuram bikkeŋ kamtiŋ geb, gayenterbe goyen ma hi gega, kame wayyeŋ goreb doyaŋ mar karkuwaŋ 7 go kamereb al gergeŋ kura forok yeŋbe doyaŋ mar karkuwaŋ 7 goyen basaŋ heŋ doyaŋ al kuruŋ hiyyeŋ. Gega al go wor doyaŋ mar karkuwaŋ 7 goya tuŋande. Irde kame buluŋ wor po heŋ hubu hiyyeŋ.

<sup>12</sup> “Be, dapŋa duwi kafuram gote hirkam 10 yenha gobe doyaŋ mar karkuwaŋ hoyan 10 go goyen. Mel gobe alya bereyamiŋ doyaŋ yird yird tareŋ goyen ma yawartiŋ haŋ. Gega doyaŋ mar karkuwaŋyeŋ saŋiŋ teŋ dapŋa duwi kafuram goya heŋ alya bereya doyaŋ yirde hinayiŋ gega, heŋ ga moŋ saŋiŋmiŋ hubu hiyyeŋ.

<sup>13</sup> Doyaŋ mar karkuwaŋ 10 gobe dufay unkuŋeŋ po kerdeb alya bereyamiŋ doyaŋ yird yird tareŋmiŋ goyen gabu irde dapŋa duwi kafuram go po unnayiŋ.

<sup>14</sup> Irde mel gore Sipsip dirŋeŋ goyen asogo irdeb fulena irnayiŋ. Goyenpoga Sipsip dirŋeŋ gobe doyaŋ marte Kuruŋmiŋ, irde doyaŋ mar karkuwaŋ gote Kuruŋmiŋ geb, mel goyen fole yiryen. Sipsip dirŋeŋ gote alya bereya yeŋ belen

hoy yirde basaŋa yirkeɓ biŋde mat fudinɗe po gama irde haŋ mar wor yenja gabu henbe doyaŋ mar karkuwanja dapɗa duwi kafuramya goya arɗe fole yirnayin, ” ninyin.

<sup>15</sup> Be, go kamereɓ Al Kurunyen miyoŋ gore sopte gaha ninyin: “Fe karkuwan hende belɗen nin bere gore keperɗe hike yɗha fe gobe al sikken umɗam kurayɗen kurayɗen, al min hoyan hoyan, naɗa karkuwan karkuwan, irɗe al merem kurayɗen kurayɗen teŋ haŋ mar go goyen.

<sup>16</sup> Be, dapɗa duwi kafuram goya hirkam 10ya yɗha goreɓ belɗen nin bere goyen biŋ ar irnayin. Irɗe bere go bulun bulun irɗe detmin goran irɗe ulin umɗa manan yuguya tikeɓ kupsoŋ hiyyen. Irke bere gote gasoŋ talde neneɓ kak po kumga tinayin.

<sup>17</sup> Go tinayin gobe gwaha po tinayin yeŋ Al Kurun belɗen dufay kirtin geb, gogo tinayin. Niŋgeb doyaŋ mar 10 gore taremin tumɗan gabu irɗe dapɗa duwi kafuram goyen unenbe gama irnayin gogo. Mel go gwaha teŋ kun kunbe Al Kurunyen mere gote iginen kawan forok yetek nalu goyen forok yiyyen.

<sup>18</sup> Be, belɗen nin bere go kenha gobe taun kurun wor po go goyen. Megen nin doyaŋ mar karkuwan hoyan gobe yende yufukɗe haŋ, ” ninyin.

## 18

*Babilon taun gobe bulun hirin*

<sup>1</sup> Be, go kamereb Al Kurunyen miyon hoyan kura Al Kurunyen gasunde mat katen hike kinmirin. Yenbe denem yan wor po, ulinde matbe sanjinmin hulsi yara forok yekeb megen kurun gayen wuk yen tukurin.

<sup>2</sup> Be, yen beleɓ mere kurun po tenbe, “Babilon taun kurun wor po gobe gwamuɓ urtin! Bulun wor po hitin! Irkeb taun gobe unɓurayen gasun hitin. Irde det toneɓ bulun wor bana goɓ haɓ. Irde nu Al Kurun dilinge tikiɓ miɓyan gore bana goɓ hagam yirde haɓ.

<sup>3</sup> Naɓa karkuwan karkuwan tumɓan gobe nene kukuwa wor po hetek wain bere gore yunin. Wain gobe leplep matamin go goyen. Megen nin doyan mar karkuwan wor bere goya feramin. Irkeb samun ya miɓyan haɓ marbe bere gore det damum hende hoyan goyen yen hitte damu ten hike hora kurun wor po yade hinhan,” ninin.

<sup>4</sup> Be, go kamereb nanɓinde mat al melak hoyan kura forok yeke nurmirin. Mereminbe gahade: “Alya bereyane, bere belen nin go tubul ten kunaɓ.

Gogab yen mata bulun ten hiyen gwahade ma ten hinayin.

Irde matamin gote murungem bulun tiyyen goyen denya ma tenayin.

<sup>5</sup> Gobe bere gote mata bulunbe pipkatoka irke nanɓin sisan urtin hinhin geb, gago dinen hime.

Al Kurunbe mata bulunmin goke bin sir ma yen hiyen geb, gago dinen hime.

<sup>6</sup> Ningeb bere gore daha kura dirtin gobe gwahade po wol heɓ unnaɓ.

Yeŋ beleş buluş diriyiŋ goyen wolmiŋeŋbe yeŋ  
beleş dahade duntıŋ goyen tebaŋ go hende  
kerde kuruŋ po unnaŋ.

Yeŋ beleş gisumiŋde wain saŋiŋ dunyiŋ goyen  
wolmiŋeŋbe wain tareŋ wor po yeŋ beleş  
irde dunyiŋ gote folek goyen gisumiŋ bana  
goŋ po wok irde unnaŋ.

<sup>7</sup> Bere go deŋem turuŋ yaŋ heŋ det damum  
hende wor po goyen po yade amaŋ heŋ  
hinhiŋ geb,  
dahade amaŋ heŋ hinhiŋ gwahade po uliŋ  
misiŋ kateŋ kanduk kuruŋ wor po nurde  
hiyeŋ.

Biŋdebe yiŋeŋ turuŋ irdeb,  
'Nebe doyaŋ bere kuruŋ, irde beretap moŋ.  
Ne hittebe kandukŋeŋ nurtek mata kura ma  
forok yiyyeŋ,' yeŋ hi.

<sup>8</sup> Niŋgeb nalu kurare kurab bere gobe matamiŋ  
gote muruŋgem buluş wor po tiyyeŋ:  
Garbam buluş teŋ, biŋde kandukŋeŋ nurde,  
biŋge kamde hiyeŋ.  
Irde kak beleş nen unyeŋ.

Al Kuruŋbe Doyaŋ Al Kuruŋ tareŋmiŋ kuruŋ wor  
po gore bere goyen merem yaŋ iryeŋ geb,  
gogo gwahade forok yiyyeŋ," yiriŋ.

<sup>9</sup> Be, al melak kura naŋkiŋde mat forok yiriŋ  
gore sopte gaha yeke nurmiriŋ: "Megen niŋ  
doyaŋ mar karkuwaŋ bere goya ferde bere gote  
samuş damum hende hoyaŋ teŋ teŋ mata gama  
iramiŋ marbe bere go humga kuyeŋ gote kakim  
kennayiŋ. Irde yeŋ ge eseŋ obam teŋ hinayiŋ.

<sup>10</sup> Mel gobe bere go uliŋ misiŋ kurunŋ kateŋ hike keneŋ kafura wor po heŋ gisaw po heŋ esinayiŋ. Irdeb, ‘Kafuram wor po! Kafuram wor po! Awo, taun kurunŋ wor po Babilon! Bemel po ugunŋ naluge forok yihi!’ yenayiŋ.

<sup>11</sup> “Irdeb samuŋ ya miŋyaŋ marbe, ‘Detniniŋ kurunŋ damu teŋ hiyen berebe gogo hubu hihi geb, al gore kura detniniŋ damu titek moŋ,’ yeŋ nurdeb bere goke eseŋ obam teŋ hinayiŋ.

<sup>12</sup> Al kura gore waŋ mel gote gol, silwa, hora kusamuŋ wor po, pal hora selweŋ yara damum hende, irde amil faykek igiŋ wor po, amil umŋam bukkenya digulakya suluk yirtiŋ, irde silika amilyabe amil bukhel yitiŋ goyen damu titek berebe hubu hihi geb, goke esinayiŋ. He kurayen kurayen hamiŋ kusamuŋ wor po gore det yirtiŋ, irde kurabe dapŋa kura elefant gote bilŋam beleŋ po det kurayen kurayen yirtiŋ, irde he damum hende wor po gore po det yirtiŋ, irde barasya ainyabe hora milmulŋenya gore po det yirtiŋ goyen damu titek bere gobe gogo hubu hihi yeŋ goke esinayiŋ.

<sup>13</sup> Irde miyow, biŋge hapek yirtek det, irde det kumba tike hamiŋ igiŋ forok yeŋ haŋyen goyen, irde he fimiŋ hamiŋ igiŋ wor po kurayen kurayenyabe, wain, olip fimiŋ, palawaya witya igiŋ muŋ wor po, bulmakaw, sipsip, hos, irde nima hos beleŋ yuluŋ teŋ haŋyen goyabe, metenŋ mar dulŋenya goyen damu titek bere gobe gogo hubu hihi yeŋ goke esinayiŋ. Go mar gobe alya bereya kura metenŋ mar yirde bere go unke damu teŋ hiyen.

<sup>14</sup> “Go mar goreb bere go kamke keneŋbe, ‘Det



igin yawaren yen nurde hayen kurun gobe gigen kamkeb hubu hihi. Samungeya detge igin wor poya goyen tumnan yubul taha geb, epte ma sopte yenayin!’ innayin.

<sup>15</sup> Samun ya minyan mar bere gore detmin damu tike horam yan hen hanyen mar gobe bere goyen ulin misin kurun po katen hike kenenbe kafura wor po hen tubul ten gisaw po hinayin. Irde bere goke esen obam tenbe,

<sup>16</sup> ‘Kafuram wor po! Kafuram wor po! Awo, Taun kurun. Taun gobe bere gogo, yenbe amal igin bukkenya digulakya suluk yirtin goya bukkenhel yitin goya hor yirde hiyen. Irde golya hora kusamun wor poya pal hora selwen yara damum hende wor po goya goyen yade ulin unna ten hiyen.

<sup>17</sup> Goyenbe samunmin kurun gobe bemel po hubu hihi!’ yenayin.

“Ningeb hakwa doyan yird yird marte karkuwanmin, irde alya bereya hakwa hende kun han mar, hakwa hende meten ten han maryabe makan alare hen dapna yade hora ten han marya tumnan bere go tubul ten gisaw po hinayin.

<sup>18</sup> Mel gore bere go humga kun hiyen gote kakim kenenbe kuware po, ‘Bikkenbe taun kurun wor po gahade gayen kura ma hinhin!’ yenayin.

<sup>19</sup> Irdeb bere goyen kamde hinhin goke bin misin nurdeb yingen de tonan de mulowo wogordeb esen obam tenbe, ‘Kafuram wor po! Kafuram wor po! Awo, Taun kurun. Taun bana gon al kura hakwa minyan mar gobe taun gote

samunya detmin hakwamin hende yawanbe hora kurun yade hanjen. Goyenbe bemel po taun gobe detmin goya tumnan mugol nihi! yenayin.

<sup>20</sup> Gega Al Kurunyen gasunde han marbe bere go kamde hi goke aman henayin. Deh Al Kurunyen alya bereya aposelya porofetyabe bere gore bulun bulun dirtin goyen goke merem yan irtin goke aman henayin!” yirin.

<sup>21</sup> Be, go kamereb Al Kurunyen miyon kura sanjinmin kurun wor po goreb hora kurun kura goyen tenbe makan alare timiyyin. Hora gote kurunminbe wit bilmin karka ten palawa irde hanjen hora kurun wor po hos belej tulun ten hanjen go gwahade goyen. Be, Al Kurunyen miyon gore hora go temeydeb, “Hora kurun go makan ala bana kurka gwahade goyen po, ge Babilon taun kurun goyen gad gemeyke makan ala bana kurkun sopte ma po forok yawayin.

<sup>22</sup> Tikin de nin det hap inen hanjen gote tikin, bulelunyen tikin, bigulyen tikin yabe al belej tikin hen hanjen tumnan goyen go ma sopte nurayin. Irde samun yare meten ten han mar manan sopte ma yenayin. Wit bilmin karka ten palawa ird ird gote hora migirin manan sopte ma po nurayin.

<sup>23</sup> Hushi melak kura ge bana sopte melak ma henayin. Tikin merere nin tikin sopte ma po nurayin. Ge Babilon taun bana gon samun ya minyan marbe hora ten ten sanjinmin kurun wor po. Gega ge belej merebal matare mata bulun forok irde alya bereya megen hike kwa kurun goyen usi yirarin.

24 Taun gobe Al Kurunyen alya bereya, irde porofet, irde alya bereya megen hinhan goyen gasa yirke kamaminj kurun gote murungem tihibe gago humga kwa,” yirinj.

## 19

<sup>1</sup> Be, go kamereb Al Kurunyen gasunde al buda kurun kura belen kuware gaha yeke nurmirinj: “Haleluya, Al Kurun turun irninj! Al Kurunbe Dumulgan ten ten Al, denembe turun yan wor po, tarenminj manan kurun wor po.

<sup>2</sup> Yen belen alyen mata yenen igin ma bulun yinen yinen gobe huwak irde fudinde mat ten hiyen. Al Kurunbe belen nin bere gore leplep mataminde alya bereya megen han kurun gayen bulun yirinj goke merem yan ira. Irde bere gore Al Kurunyen meten mar gasa yirke kamaminj gote wolminen ira,” yaminj.

<sup>3</sup> Be, gwaha yenbe sopte po, “Haleluya! Bere go humga kun hi gote kakimbe gwahader hurkun hiyen,” yaminj.

<sup>4</sup> Be, gwaha yekeb Al Kurunyen alya bereyat doyan marte parguwak 24 goya det binfut minyan sipteya gore wulgurut yen Doyan Al Kurunyen gasunde keperde hi al Al Kurun goyen dolon iraminj. Irdeb kuware po, “Fudinde wor po! Al Kurun turun irninj ko!” yaminj.

<sup>5</sup> Irkeb go kamereb al melak kura Doyan Al Kurunyen keperd keperd gasunde mat forok yenbe gaha yirinj: “Den Al Kurunyen meten mar, Al Kurunnininj turun irnan. Den al denem yan ya denem monya Al Kurun kafura irde han marbe turun irnan!” yirinj.

<sup>6</sup> Irde go kamereb al buda kurun belen kuware mere tike nurmirin. Mereminbe kurun wor po, fe kurun hamulare solok yen katen migirin ten hi yara, irde daga katen hi yara nurmirin. Mereminbe gahade: “Haleluya! Al Kurun turun irnin ko. Al Kurunbe Doyan Al Kurun tarenmin kurun wor po. Yen po ga det kurun gayen doyan yirde hi.

<sup>7</sup> Sipsip dirnen bere ten ten nalu forok yeke bere\* gobe goke gitik titin hi. Ningeb goke igin po nurde aman henbe denem turun yan irtek!

<sup>8</sup> Amil igin wor po wukke irde milmulken goyen hor ird ird nin bere goyen untin. (Amil igin gobe Al Kurunyen alya bereyat mata huwak nin yitin.)

<sup>9</sup> Be, go kamereb Al Kurunyen miyon belen ninyin. “Mere kura gahade kaya: ‘Sipsip dirnen goyen bere ten ten gote dula matare wanayin marbe aman henayin,’ kayayin,” ninyin. Irde sopte, “Mere gabe Al Kurunyen mere fudinde wor po,” ninyin.

<sup>10</sup> Gwaha ninkeb kahan minde katen dolon iren timirin. Irkeb, “Gwaha ma nirayin! Ne wor ge yara po Al Kurunyen meten al geb. Kadge yago Yesuyen mere gama irde han mar gwahade yara po geb. Yesuyen merebe porofet belen Holi Spirityen saninde yitin geb, Al Kurun po ga dolon irayin!” ninyin.

*Hos faykek hende kipirtin al*

---

\* **19:7:** Bere gobe Yesuyen alya bereya sios nin yitin.

<sup>11</sup> Be, go kamereb Al Kurunyen gasunde nin yame hol yekeb hos faykek kura hike kinmirin. Hos go hende kipirtin hinhin al gote denembe “Binde mat fudinde meten ten ten al, irde Mere Fudinde ten ten al”. Yen beley alyen mata igin ma bulun yinen fulenā ten hiyen gobe mata huwak mat gwaha ten hiyen.

<sup>12</sup> Al gote dilinbe kak melak yara, tonanbe doyan al kurunyen tonanhor budam han. Irde denē kura ulinde katin hi gega, denē goyen al hoyanbe go ma nurde han, yingen po ga nurde hi.

<sup>13</sup> Yenbe amil uyan dari bana kirtin goyen hor irtin hi. Al gote denembe “Al Kurunyen Mere.”

<sup>14</sup> Al Kurunyen gasunde nin fulenā mar beley al go gama irde hinhan. Mel gobe amil igin wor po faykek irde wukken goyen hor yirde hos faykek hende keperde kame gama irde hinhan.

<sup>15</sup> Mehen hen hinhin al gote mohan bana matbe fulenāre nin bidila misin yan kura wan hinhin. Bidila gobe nana karkuwan karkuwan bana han mar gasa yird yird nin mohan de hinhin. Yen beley nana karkuwan karkuwan goyen doyan al kurunyen kutum ain beley po irtin goyen tanarde doyan yirde hikeb kafura henayin. Irde mel goke Al Kurun saninmin kurun wor po hi gore bearar ten hiyen goyen yikala yire yen wain karka ten fimin gilyan hitin yara yiryen.

<sup>16</sup> Amil hor irtin go hendeya bulhekdeyabe denē kura gahade katin hinhin:

MEGEN NIN DOYAN MAR KARKUWANDE  
KURUNMIN, IRDE DOYAN MARTE KURUNMIN

<sup>17</sup> Be, gor mat Al Kurunyen miyon kura nana

diliŋ hende huwarde hike kinmiriŋ. Yeŋ beleŋ kuware po nu kurayen kurayen naŋa kota foy teŋ kuŋ hinhan kuruŋ goyen yinyiŋ. “Wanaŋ. Waŋ Al Kurunyen dula mata kuruŋde gar gabu irnaŋ.

<sup>18</sup> Gogab megen niŋ doyaŋ mar karkuwaŋ, fuleŋa marte karkuwaŋmiŋ, al tareŋ miŋyaŋ mar, hosya go hende keperde kuŋ haŋ marya gote hakwam gote gasoŋ talde nenayiŋ. Al tumŋaŋ, al du-faymiŋde kuŋ haŋ marya meten mar dulŋenya, irde al deŋem yaŋya deŋem monyat hakwam gote gasoŋ nenayiŋ,” yinyiŋ.

<sup>19</sup> Be, gor matbe dapŋa duwi kafuram goya megen niŋ doyaŋ mar karkuwaŋyabe fuleŋa marminiya beleŋ hos faykek hende kipirtiŋ hinhin al goya fuleŋa marminiya arniŋ yeŋ gabu irde hike yinmiriŋ.

<sup>20</sup> Goyenpoga dapŋa duwi kafuram gobe teŋ fere tiyaŋmiŋ. Porofet falkuk dapŋa duwi kafuram goke teŋbe mata tiŋen turŋuŋ yaŋ forok yirde hinhin al goyen wor yeŋya tumŋaŋ fere titiŋ po hinaryum. Usi porofet gobe mata tiŋen goyen forok yirde alya bereya dapŋa duwi kafuram gote deŋem uliŋde teŋ dapŋa gote toneŋ irtiŋ det goyen doloŋ irde hinhan mar usi yirde hinhin. Niŋgeb dapŋa duwi kafuram goya porofet falkukya gobe diliŋ gergeŋ hikeya salfa hora humga kuŋ buk yeŋ fe ala yara hitiŋ bana goŋ yemeyamiŋ.

<sup>21</sup> Fuleŋa marmiŋbe fuleŋare niŋ bidila hos faykek hende hi al gote mohoŋ bana mat waŋ hinhin gore po gasa yirke kamamiŋ. Irkeb nu tumŋaŋ waŋ gasoŋ talde nene biŋ maŋiŋ hamiŋ.

## 20

### *Dama 1,000*

<sup>1</sup> Be, gor matbe Al Kurunyen miyon kura gasunminde mat kateh hike kinmirin. Yenbe Mete Dukun wor po kimyan minmon bana kurkun kurkun yame goyen hol ird ird ki minyan. Irde haniindebe sen kurun wor po kura tanartin manan.

<sup>2</sup> Yen belen deregon goyen tirin. Deregon gobe kunere bikken hinhin go goyen. Gote denembe Ungura, kurabe Satan inen hanjen. Be, Al Kurunyen miyon gore Satan goyen dama 1,000 gwahade fere titinde hiyen yen ten fere tiyyin.

<sup>3</sup> Irdeb Satan goyen Mete Dukun wor po bana temeydeb mete gote yame tan kin urdeb al kura belen epte ma hol irnayin yen Al Kurunyen denere son iryin. Gogab dama 1,000 bana gon Satan belen epte ma alya bereya megen han kurun goyen usi yiryen. Dama 1,000 go hubu hekeb Satan go sinare katyen. Goyenbe ulyande ma hiyen.

<sup>4</sup> Be, gor matbe alya bereyat mata go yenen igin ma bulun yinen yinen tareh minyan marte keperd keperd gasun yinmirin. Irde Yesu Kristu nin tagalde Al Kurunyen mere sanin po tanarde hike goke al belen igin ma nurde binin walke kamamin marya gote toneh yinmirin. Mel gobe dapna duwi kafuram goyen ma dolon iramin. Irde dapna duwi kafuram gote denem kimiinde wet ma haniinde wet goyen ma katin hinhan. Mel gobe kamtinde mat huwardeb dama 1,000 bana

goŋ doyaŋ mar heŋ Yesu Kristuya megeŋ gayen doyaŋ irde hinhan.

<sup>5</sup> Niŋgeb Al Kurunyen mere tanarde heŋ kamamiŋ mar go muŋ po huwarnayiŋ. Munaŋ al kamtiŋ goyen hoyanbe dama 1,000 goyen hubu heke gab huwarnayiŋ. Mata gobe al kamtiŋ mar meheŋde huwarnayiŋ go goyen.

<sup>6</sup> Al kamtiŋde mat meheŋde huwarnayiŋ mar gobe Al Kurun belen guram yirde saŋiŋ yirde wukkeŋ wor po yiryen. Mel gobe epte ma kak alare kunayiŋ. Kak alare kuŋ kuŋ gobe sopte kamde kamde mata go gwahade goyen. Gwaha titŋenbe Al Kurunya Yesu Kristuya doloŋ yird yird mata doyaŋ mar henayiŋ. Irde dama 1,000 bana goŋ yeny a megeŋ gayen doyaŋ yirde hinayiŋ.

### *Satanbe bulun hiyyen*

<sup>7</sup> Be, dama 1,000 hubu hekeb Satan gobe koya bana mat teŋ siŋa irke katyen.

<sup>8</sup> Irde megeŋ murun kurhan kurhan kuŋ alya bereya budam wor po usi yiryen. Go mar gobe Gokya Magokya yinen hanyen. Satan belen go mar goyen fulen a teŋ teŋ niŋ gabu yiryen. Mel go gabu yirkeŋ makaŋde niŋ sawsawa yara budam wor po, epte ma kapyaŋ hetek henayiŋ.

<sup>9</sup> Be, go mar gobe bantoto kurun wor po goyen sam irde kuŋbe Al Kurunyen alya bereya belen keperde han gasuŋ goyen bulun yirniŋ yen milgu yirniŋ. Al Kurunyen alya bereya keperde han gasuŋ gobe taun Al Kurun belen goke amanen nurd unen hiyen go goyen. Be, alya bereya Gokya Magokya yinen hanyen mar gore taun go



milgu irnayin gega, kak belen nan kinde mat katen gwamun yuryen.

<sup>10</sup> Irkeb mel go usi yiryen al Ungura gobe sopte ten salfa hora kak hitin ala bana temeyke hiyen. Kak ala bana gonbe dapna duwi kafuram goya porofet falkukya yimiytin haryen. Ningeb Satanya dapna duwi kafurama porofet falkukya gobe nan kahalya wawunya huginen ulin misin kurun po katen hinayin.

*Al kamtin goyen Al Kurun belen merere yiryen*

<sup>11</sup> Be, gor matbe Doyan Al Kurun belen keperd keperd gasunmin kurun faykek wor po hende kipirtin hike kinmirin. Megenya nan kin yabe yen hitte mat busaharyum gega, gor kura kutek mon geb, hubu po haryum.

<sup>12</sup> Irde kamamin mar kurun goyen al denem yanya denem minmonya Doyan Al Kurunyen keperd keperd gasun dilin mar huwarde hike yinmirin. Gorbe asan hol yirtin hinhan. Irke asan hoyan kura hol yirin. Asan gobe Al Kurunya huginen hitek mar gote denem katin asan. Al kamtinbe megen henya mata ten hinhan kurun goyen asan buda goyen bana gon katin geb, gor mat mata dahade ten hinhan gote murungem tamin.

<sup>13</sup> Makan alare kamamin marya mete titin marya goyen tumnan merere huward huward nin Al Kurun hitte wayamin. Wanbe megen henya mata ten hinhan gote murungem yawaramin.

<sup>14</sup> Irkeb Al Kurun belen kamde kamde mataya al kamtin yerde hanyen gasunya goyen kak alare

yimiyyiñ. Kak ala gobe al kamtiñde mat huwar-nayiñ mar kura sopte hugiñeñ kamde kamde gasuñde kunayiñ go goyenbe gogo.

<sup>15</sup> Niñgeb al kurate denem Al Kurunya hugiñeñ hitek marte denem asuñde katiñ bana goñ ma hikeb yade kak ala goyenter yimiyyiñ.

## 21

### *Nanñkiñ gergenya megen gergenya*

<sup>1</sup> Be, gor mat nanñkiñya megenya bikkek gobe hubu hekeb nanñkiñya megenya gergen goyen yinmiriñ. Megen gobe makan miñmoñ.

<sup>2</sup> Be, Taun Wukken Yerusalem gergen wor po gobe Al Kurunya gasuñde mat kateñ hike kinmiriñ. Taun gobe bere foñeñ kura uñ belen wañ tupi teñ kuñ kuñ ge uliñ umña kusamuñ wor po teñ hanyen go gwahade goyen po Doyañ Al Kurun wañ wañ niñ gitik titiñ hinhin.

<sup>3</sup> Be, go kamereb Doyañ Al Kurunya keperd keperd gasuñde gor mat al melak kura forok yeke nurmiriñ. Meremiñbe gahade: “Gayenter Al Kurun heñ heñ gasuñbe alya bereya hañde gor hi! Yenbe mel goya hiyeñ. Irkeb mel gobe Al Kurunya alya bereya henayiñ. Irkeb Al Kurun yingeneñbe mel goya heñbe yende Al Kurun hiyyeñ.

<sup>4</sup> Yen belen alya bereyat diliñ fimiñ halde yunyeñ. Mata bikkekya det bikkekyabe hubu henayiñ geb, kamde kamde mata hubu hiyyeñ, irde al kamke eseñ obam teñ teñ mata wor hubu hiyyeñ. Go ma esinayiñ, irde uliñ misiñ ma katnayiñ,” yiriñ.

5 Be, Doyaŋ Al Kurunyen keperd keperd gasuŋde kipirtin hinhin al goreb, “Det kurun gayen tumnaŋ gergen wor po yirde hime!” yirin. Irdeb, “Mere gabe fudinde yeŋ nurtek mere geb, asaŋde kaya,” ninyin.

6 Irdeb gaha ninyin: “Metenebe pasi irhem. Nebe Alfaya Omegaya, det kurun gayen min urmirin al, irde pasi ird ird al. Nebe meheŋde wor po hinhem, irde kame wor heŋ. Al kura fe nin yirkeb Al Kurunya hugineŋ heŋ heŋ goyen fe dilinŋde mat fe marde waŋ hi yara goyen yuneŋ. Fe goyen yunenbe damu tinaŋ ma yineŋ, dulin yuneŋ.

7 Al kura al bulun fole iryenbe det gergen hitin kurun goyen tumnaŋ yawaryeŋ. Irke nebe yende Al Kurun hemekeb yeŋbe dirine hiyyeŋ.

8 Gega kanduk forok yeŋ yeŋ ge kafura heŋ haŋ mar, Al Kurun nin dufaymin tareŋ ma irde haŋ mar, dufay bulun heŋ haŋ mar, al gasa yirke kamde kamde mar, leplep mata teŋ haŋ mar, merebal kurayen kurayen yirde haŋ mar, det toneŋ yirde doloŋ yirde haŋ maryabe, usi marya gote heŋ heŋ gasuŋbe salfa hora humga kun fe ala yara hitin bana goŋ po hinayin. Gor kunayin gobe kamtinŋde mat huwarnayin gega, sopte hugineŋ kamde kamde gasuŋde kunayin go goyenbe gogo,” yirin.

### *Yerusalem gergeŋ*

9 Be, Al Kurunyen miyoŋ 7 mata kafuram 7 kuwe bana hitin 7 goyen kura tanarde hinhin miyoŋ goreb, “Wake kure. Kun Sipsip dirneŋ gote berem gikala gireŋ,” ninyin.

<sup>10</sup> Irdeb Holi Spirit belej ketal nurke nade dugu kurun hende hoyan wor pore gor nukun Taun Wukkek wor po goyen nikala niryin. Taun Wukkek wor po gobe Yerusalem gergen Al Kurunyen gasunde mat katen hinhin.

<sup>11</sup> Taun kurun gobe Al Kurunyen sanin turun yan wor po gore hulsi melak yara agat uryin. Agat uryin gobe hora kusamun wor po belej ten hanyen yara tiyyin. Yaspaya kristal wukkenya yara agat wor po uryin.

<sup>12</sup> Taun gobe koya kurun miliin hende hoyan wor po belej milgu irtin. Koya gobe yamemin 12 minyan. Yamere gorbe Al Kurunyen miyon 12 hinhan. Yame 12 go hendebe Israel marte al min 12 gote denem katin hinhan.

<sup>13</sup> Yame 12 goyen karwobe nanja wan wan belej hinhan. Irde karwo kurabe nanja kurkur belej hinhan. Irde yame karwo kurabe gegelhek kurhan hinhan, munan karwo kurabe kurhan hinhan.

<sup>14</sup> Koya kurun gobe hora karkuwan 12 go hende yirtin. Hora karkuwan 12 go hendebe Sipsip dirnen gote mere basan mar aposel 12 gote denem katin hinhan.

<sup>15</sup> Be, Al Kurunyen miyon neya mere tiyaryum gore taunya koya, irde yameminya gote kurunmin tunan tiye yenbe tunan ten ten de nin kutum gol belej irtin goyen haniinde tanarde hinhin.

<sup>16</sup> Taun kurun gobe murun sipte minyan. Sobamminya pelyenminyabe tunande wor po. Al Kurunyen miyon belej kutum go ten taun kurun goyen tunan ten kenenbe ulyanminbe 2,200

kilomita, irde pelyenminya huwa hurkutinya wor gwahade po.

17 Yen belen taun gote koya tolokmin tunan tiyyinbe 65 mita. Miyon gore tunan tiyyin gobe megen nin det gote kurunmin tunan ten tende nin kutum tenbe tunan tiyyin.\*

18 Yerusalem taun gergen gote koyabe hora kusamun kura yaspa inen hanyen gore po irtin. Irde taun gobe gol belen po irtin. Gol gobe galas yara tikin minmon, wukken wor po.

19 Irde koya gote minbe hora kusamun wor po kurayen kurayen gore yade umna yirtin. Koya gote min 12 bana gon mehenbebe yaspa hora belen irtin. Kamere nin min gobe sapaia hora belen irtin. Karwominbe aget hora, sipteminbe emeral hora,

20 siptesononminbe sadonikis, 6minbe hora bukken konilian, 7minbe hora wulsakken krisolait, 8minbe hora digulak yara beril, 9minbe hora wulsakken yara topas, 10minbe krisopires hora, 11minbe haiasin hora, funan 12minbe ametis hora belen po umna yirtin hinhan.

21 Koya gote yame 12 gobe pal hora karkuwan wor po selwen yara gore po yirtin. Yame goyen unken unkenbe pal hora unken unken belen po yirtin. Taun kurun go bana gon nin belenbe gol belen po yirtin. Gol gobe tikin

---

\* **21:17:** Al Kurunyen miyon belen megen nin det gote kurunmin tunan ten tende nin kutum ten Al Kurunyen gasunde nin Yerusalem gote kurunmin tunan tiyyin gobe Yon belen kenen bebak ten ten ge gwaha tiyyin. Ningeb “kilomita, mita” gobe nen al belen bebak ten ten ge po, Yerusalem kurunmin fudinbebe epte ma nurtek.

miɲmoɲ galas yara wukkenɲ wor po.

<sup>22</sup> Be, taun bana goɲbe Al Kurunɲen ya balem kura ma kinmiriɲ. Ya balem gobe hoyanɲ moɲ, Kurunɲiniɲ Al Kurunɲ tareɲmiɲ kurunɲ wor po goya Sipsip dirɲenɲa yiɲgeɲbe ya balem go goyen geb, gogo kura ma kinmiriɲ.

<sup>23</sup> Taun bana goɲbe Al Kurunɲen tareɲmiɲ turɲunɲ yanɲ wor po gore hulsi melak heɲ agat urde hiyen gwahade po teɲ hikeb nanɲaya gagasiya niɲ ma nurde haɲ. Taun bana goɲ niɲ hulsibe Sipsip dirɲenɲ gogo.

<sup>24</sup> Taun gote hulsi goyen temeykeb nanɲa karkuwanɲ karkuwanɲ bana haɲ marbe taun gote hulsire kuɲ hinayiɲ, irde megen niɲ doyanɲ mar karkuwanɲ beleɲ samunɲmiɲ igiɲ wor po goyen taun bana goɲ yade wanayiɲ.

<sup>25</sup> Taun bana goɲbe wawunɲ miɲmoɲ geb, taun gote koya yamebe hugiɲenɲ hoɲ hinayiɲ.

<sup>26</sup> Alya bereya nanɲa karkuwanɲ karkuwanɲ bana haɲ gore samunɲmiɲ igiɲ wor poya horamiɲnya yad taun bana goɲ hurkunayiɲ.

<sup>27</sup> Goyenbe det kura Al Kurunɲ diliɲde wukkenɲ moɲbe taun bana goɲ epte ma yad hurkunayiɲ. Irde al kura mata memyak teɲ haɲ marya usi mata teɲ haɲ maryabe epte ma taun bana goɲ hurkunayiɲ. Gwahade yarabe Al Kurunɲya hugiɲenɲ hinayiɲ marte deɲem katiɲ asanɲde deɲem haɲ mar go po hinayiɲ. Asanɲ gobe Sipsip dirɲenɲ gote asanɲ.

## 22

*Al Kurunɲya hugiɲenɲ heɲ heɲ sanɲiɲ miɲyanɲ fe*

*kurun*

<sup>1</sup> Be, gor matbe Al Kurunyen miyon gore Al Kurunya huginēn heñ heñ sanjēn miñyan fe kurun goyen nikala nirke kinmiriñ. Fe gobe galas yara wukkekk wor po, irde Al Kurunya Sipsip dirñenyat keperd keperd gasunđe mat kateñ hinhin.

<sup>2</sup> Irdeb taun bana goñ beleñ kurunmiñ ka-halyañ gama irde kuñ hinhin. Fe goyen siña kurhan kurhanbe he kura igineñ nene Al Kurunya huginēn heñ heñ he go hinhan. He gote igineñbe dama unjkureñ bana wawuñ 12 gwahade igineñ heñ hiyen. Gagasim gagasim turte igineñ heñ hiyen. Irde he gote yuwalñeñbe alya bereya naña karkuwan karkuwan bana hañ mar gote garbam sope ird ird tareñ miñyan.

<sup>3</sup> Taun bana goñbe det kura Al Kurun beleñ karan yurtiñbe goñ ma hinayiñ. Irde Al Kurunya Sipsip dirñenyat keperd keperd gasunđe taun bana goñ hiyen. Irkeb meten marmin beleñ meten teñ yuneñ hinayiñ.

<sup>4</sup> Mel gobe Sipsip dirñen gote kimiñ kennayiñ, irde deñembe mel gote kimiñde katiñ hiyen.

<sup>5</sup> Taun bana goñbe wawuñ miñmon hiyyen. Irde Al Kurunbe Doyan Al Kurun geb, tareñmiñ turñuñ yañ gore hulsi yara heñ agat urde hiyen. Irkeb hulsiya nañaya niñ ma nurde hinayiñ. Mel gobe gwahader taun bana det kurun goyen doyan yirde hinayiñ.

<sup>6</sup> Be, Al Kurunyen miyon goreb, “Mere gabe fufinde, irde hekken nurtek hi. Doyan Al Kurunbe mere basan marmin gote tonenđe Al Kurun. Yen beleñ heñ ga ma mata kura forok

yenayin goyen meten marmin yikala yire yenbe miyonmin ten kerke katyin,” ninyin.

### *Yesube wayyen*

<sup>7</sup> Be, Yesu belen gaha yirin: “Ga nurnan! Nebe hen ga ma wayen! Al kura Al Kurun belen kame mata dahade forok yiryen goke asanɗe gar katin mere gayen gama irde han marbe Al Kurun belen guram yirde sanin yiryen!” yirin.

<sup>8</sup> Be, ne Yon gabe mata kame forok yenayin kurun goyen nikala nirde momon nirtin goyen nurmirin, irde kinmirin. Gwaha tenbe Al Kurunyen miyon mata go nikala niryin al goyen dolon ire yen kahan minde wulgurut yimirin.

<sup>9</sup> Gega miyon goreb, “Gwaha ma nirayin! Ne wor ge yara po Al Kurunyen meten al geb. Nebe geya kadge yago porofetya mere asan gayen bana katin gayen gama irde han marya goyen yara po geb. Nin geb Al Kurun po dolon irayin!” ninyin.

<sup>10</sup> Irdeb gaha ninyin: “Al Kurun belen kame mata dahade forok yiryen goke asanɗe gar katin mere gate iginenbe hen ga mon forok yenayin geb, asan gayen tan sanin ma irayin.

<sup>11</sup> Irde al kura mata bulun ten han marbe yubul tike gwahade po ten hinayin. Al kura dufay bulun po gama irde han mar wor yubul tike gwahade po ten hinayin. Irde al kura mata huwak ten han marbe yubul tike gwahade po ten hinayin. Al kura mata wukke ten han yen mar wor yubul tike gwahade po ten hinayin,” ninyin.

<sup>12</sup> Irdeb gaha yirin: “Ga nurnan, nebe hen ga ma wayen! Waye yenbe al han kurun goyen mata



daha daha ten hitin gote murungem yawanbe yunen.

<sup>13</sup> Nebe Alfaya Omegaya, det kurun gayen min urmirin al, irde pasi ird ird al. Nebe mehenje wor po hinhem, irde kame wor hen.

<sup>14</sup> “Be, al kura amil halde hanjen yara matamin wukke yirde han marbe Al Kurun belen guram yirde taren yiryen. Go mar gobe nene Al Kurunya huginen hitek he iginen goyen igin netek han. Irde taun kurun gote koya yame bana igin hurkutek han.

<sup>15</sup> Gega taun go sinarebe Al Kurunen mere tubul titin mar hinayin. Go mar gobe merebal kurayen kurayen yird yird mata ten han mar, lelep mata ten han mar, al gasa yirke kamde han mar, det tonen dolen yirde han mar, irde usi mereya mataya nin amanen nurde han mar kurun gobe taun sinare hinayin.

<sup>16</sup> “Ne Yesu gare den alya bereyane sios goyen merene momon dird dird nin tenbe miyonne ten kermeke kurkun. Nebe Dewityen minde mat watin geb, nebe Dewit Urmin. Irde nebe Bayfon agatnen kurun wor po go goyen,” yirin.

<sup>17</sup> Be, Holi Spiritiya siosya belen, “Wanan!” yaryum. Irkeb al kura mere go nuramin mar wor, “Wanan!” yamin. Fudinde, al kura hugin hitek fe nin kamde han marbe wan fe go nenayin. Fe gobe al kura goke nurde han marbe damum mon dulin nenayin.

<sup>18</sup> Be, ne Yonbe Al Kurun belen kame mata dahade forok yiryen goke asande katin mere gayen nurtin mar goyen gahade hayhay yirde hime: al kura mere ga hende hoyan kura sopte kiryen

al gobe Al Kurun belen asan gayen bana mata kafuram gwahade forok yenayin yitin goyen al go hende forok iryen.

<sup>19</sup> Irde al kura asande gar katin mere kura ten sinja iryen al gobe nene Al Kurunya huginen hitek he iginen goyen netek mar han bana gon mat Al Kurun belen ten sinja iryen. Irde taun wukken wor po goke asande gar katin taun bana gon epte ma hiyen.

<sup>20</sup> Be, mata forok yenayin kurun gayen kawan po tagalde hi al gore, “Gwaha, fudinde wor po, nebe hen ga ma wayen,” yen hi.

Gwaha, Doyan Al Kurun Yesu, wayayin!

<sup>21</sup> Doyan Al Kurun Yesu belen Al Kurunyen alya bereya buninen yirde igin igin yirde hiwon yen gusunan irde hime. Fudinde wor po.

**Al Kurunyen Mere Igin  
The New Testament in the Gwahatike Language of  
Papua New Guinea  
Nupela Testamen long tok ples Gwahatike long  
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

---

PDF generated using Haiola and XeLaTeX on 18 Mar 2025 from source files dated 31 Aug 2023

dbba218f-41f3-5f08-b0b6-2a7c919093ab